

جريدہ عدلیہ

آتشچی سنہ

۱۹ رجب ۱۳۳۳ ۲۰ مایس ۱۳۳۱

نومرو ۱۳۲

چهارشنبه

قِسْمِ رِجَالِ

قوانین و نظامات

۲۹ نیسان سنہ ۳۳۰ تاریخی مکلفیت عسکر یہ قانون موقتک یوز قرقچی

مادہ سنک تعدیلی حقندہ قانون صورتیدر

برنجی مادہ ۲۹ نیسان سنہ ۳۳۰ تاریخی مکلفیت عسکر یہ قانونک یوز قرقچی مادہ سی بروجہ آتی

تعدیل ایدلمشدر :

معاینہ ابتدائیدن صوکرہ تصحیح سن معاملات عسکر یہ دہ معتبر دکدر شوقدر کہ معاینہ ابتدائیدسی
اجرا ایدلمش اولسون اولسون قیدلرینک ارأه ایتدیکن سنله شخصلری متناسب اولیانلرک تصحیح سنلری
مرجعندہ طلب ایچون مدعی عمومی به مراجعتہ اخذعسکر مجلسلری ویا اخذعسکر رؤسای صلاحیتداردر .
جهت عسکر یہ نک طلبیلہ سنلری تصحیح اولنانلردن سن مصححلری ایجابجه امثالی هنوز معاینہ انتہایه کورمه مش
ویا کورمکده بولنش اولانلر حقندہ علی الاصول معاملہ عسکر یہ تعقیب اولنور . امثالی معاینہ انتہایه کورمش

بولنالنردن يكرمي اوچ ياخنى اكمال ايمه مش اولانلر يالكز خدمت فعليه ليرنى بعدالايضا هم سنلرى مياننه آلتق ودها زياده سنلرده بولنالنر يوز آلتنجى ماده حكمنه تابع طوتلق اوزره بلانومرو عسكر ايديلورلر .

ايكنجى ماده اشبو قانون تاريخ نشرندن اعتباراً مرعيدر .

اوچنجى ماده اشبو قانونك اجراسنه هيئت وكلا مأموردر .

مجلس عمومينك اجتماعنده قانونيتى تكليف اولنق اوزره اشبو لايحه قانونيه نك موقتاً موقع مرعيتيه

وضعى وقوانين دولته علاوه سنى اراده ايلدم . ٢ رجب سنه ١٣٣٣ و ٤ مايس سنه ١٣٣١

محرر شؤ

داخليه ناظرى وماليه	حربيه ناظرى وبجربيه	شيخ الاسلام و اوقاف ها يون	صدر اعظم
ناظرى وكيلى	ناظرى وكيلى	ناظرى	وخارجيه ناظرى
طلعت	انور	خيرى	محمد سعيد
تجارت وزراعت ناظرى	معارف ناظرى و پوسته و تلغراف	نافعه ناظرى	عدليه ناظرى وشوراى دولت
احمد نسيعى	وتله فون ناظر وكيلى	عباس	رئيس وكيلى
	شكرى		ابراهيم

١٤ اغستوس ١٣٣٠ تاريخلى سيجل نفوس قانوننك اون برنجى ماده سنك

تعديله دائر قانون صورتيدر

برنجى ماده ١٤ اغستوس ١٣٣٠ تاريخلى سيجل نفوس قانوننك اون برنجى ماده سى بروجه آتى تعديل اولمشدر :

تصحيح سن وقيد واسم دعوالرى كرك كندى سن وقيد واسمى تصحيح ايتديرمك ايستيان شخصك وكرك دوائر متعلقه سنجه كوستريله جك لزومه بناءً مدعى عموميلرك مراجعتى اوزرينه بدايت محكمه سى حقوق دائره سنده مدعى عمومى حاضر اولدينى حالده شخص مذكور ايله نفوس مأمورى مواجهه سنده على الاصول محاكمه ورؤيت واعلامه ربط اولنور كندى سن وقيد واسمى تصحيح ايتديرمك ايستيان شخصك بوبابده كى ادعاسى هويت جزؤداننك اعطاسى تاريخندن آلتى آى مرورينه قدر مسموع اولوب آندن صكره مسموع اولماز هويت جزؤداننك اعطاسى اثناسنده قيدلرينه نظراً اون سكزياشنه داخل اولماش بولنالنرك حق اعتراضى دخى اون سكز ياشنه دخوللرندن آلتى آى مرورينه قدر دوام ايدر .

تصحيح سن قيد واسم دعوالرى اقامه اولنه جق شاهدلرك بعدالتحليف شهادتلى ويا ابراز اولنه جق قيود ووثائق مندرجاتى ايله اثبات اولنه بيلور وهر صورتده ظاهر حالك دعواى مكذب اولماسى شرطدر .

تصحيح سن وقيد واسم دعوالرينك حين رؤيتده كندى متضرر عد ايدنلرك شخص ثالث صفتيله دخولى جائز اولدينى كى بوبابده صادر اوله جق اعلاملر عليه كرك اشخاص طرفندن وكرك دوائر متعلقه سنك مراجعتى اوزرينه مدعى عموميلر جانبندن اعتراض الغير دعواسى دخى اقامه اولنه بيلور .

تصحيح سن وقيد واسم دعوالرى اوزرينه صادر اولان اعلاملر قابل استيناف اولمىوب انجق علاقه داران ويا مدعى عموميلر طرفندن تميز اولنه بيلور ومحكمه تميز استدعا دائره سنده تدقيق كيفيت اولنور .

اشبو ماده موجبنجه رؤيت اولنه جق دعاويدن محاكمه ججه خرج النماز .

ايكنجى ماده اشبو قانون تاريخ نشرندن اعتباراً مرعيدر .

اوچنجى ماده اشبو قانونك اجراسنه خارجيه وداخليه وعدليه ناظرلى مأموردر .

مجلس عمومينك اجتماعنده قانونيتى تكليف اولنق اوزره اشبو لايحه قانونيه نك موقتاً موقع مرعيتيه وضعى

وقوانين دولته علاوه سنى اراده ايلدم . ٢ رجب سنه ١٣٣٣ و ٤ مايس سنه ١٣٣١

محرر شؤ

عدليه ناظرى	داخليه ناظرى	صدر اعظم وخارجيه ناظرى
ابراهيم	طلعت	محمد سعيد

تليفات عمربه

عدليه نظارت هبلده سنده بالعموم استيناف مدعى عمومى بياكلرينه نظير اولناه ٩ مايس ١٣٣١ تاريخلى تليفات عموميه صورتيدر

طشره محاكمندن صادر اولوبده تميزى استدعا ايديلن اعلاماته متفرع اوراق تميزيه خرجليله اعلامات جزائيه قيديه وتميز جزاى نقديلرينك محللرى مال صندوقلرينه تسليم اولنه رق يالكز اوراقك محكمه [تميزه] ارسالى و آنجق هر نه نام ايله اولورسه اولسون تسليم اولنان اچيه مقابل مال صندوقلرنجه مقبوض ويرلك مجبورى اولسنه بناءً كرك تميز وكرك قيديه خرجلرينك سائر خرجلركى محاكمه محليه ججه بالتحصيل عرفه لالرك ظهريته اونستنده رسوم عدليه پولى ربط وابطاليله حاصلاتنك عموم رسوم عدليه پوللرى حاصلاتى مياننده اوله رق طوپدن مال صندوقه تسليم ومقابلنده مقبوض اخذ ايدلمسى وتميز جزاى نقديلرينك دخى محكمه باش كاتى طرفندن ويريله جك مذكره اوزرينه دوغريدن دوغرييه مال صندوقه ياتيريله رق مقابلنده اعطا

اوله جق مقبوضك محكمه جه تمیز استدعاسنه ربطاً محكمه تمیزه ارسالی و تدقیقات تمیزیه نتیجه سنه کوره اعاده سنه قرار ویریلن جزای تقدیه عائد مقبوضك محكمه تمیزجه محله اعاده ایدیلرک صاحبزینك مستحق اولدقلری مقداری مذکور صندوق مقبوضی مقابلنده استرداد ایللری لزومی ۱۶ مایس ۳۳۶ تاریخی تحریرات عمومی ایله تبلیغ ایدلمشدی. بعض محللرده تبلیغ مذکوره توفیق حرکت ایدلمه مك یوزدن خرجلره تمیز جزای تقدیلرینك بر طاقم کتبهك ذمیلرینه کچمنه و بو صورتله ارباب مصالحك ده متضرر اولسنه سببیت ویرلمکده اولدینی ورود ایدن لوایح تفتیشیه عظمأ هیئت تفتیشیه دن بیان اولنیور. حاصلاتك امر جایب و قیدی رؤسا و مدعی عمومیلر طرفندن دائماً نظر دقت اوکنده بولندیریلررق تبلیغات و مقررات واقعه خلافده معامله وقوعنه میدان ویرلامسی و پیشین آلمان خرجلره مقابل اقتضا ایدن پوللرک اعلام ورقه سی اوزرینه الصاق و ابطال و هر نه صورتله اولورسه اولسون اله جق رسوم عدلیهیه مقابل درحال پول استعمال ایدلسی و حاصلاتك نهایت بر هفته ظرفنده مال صندوقه تسلیم قلمسی بوکرده توصیه اولنور. بوتیلیغ اوزرینه ده بوباده مساحه سی کورلدیکی تفتیشات واقعه نتیجه سننده آکلاشیله جق رؤسا ایله مدعی عمومیلرک مسئولیتلری مقرردر. کیفیتك تعمیاً تبلیغی ضمننده اشبو تحریراتك نسخ مطبوعه کافیه سی لفأ ارسال قلدی.

درائر تمیزیه ایله مبربرلره و ولایات والوئیه مستقله مدعی عمومیلرک تبلیغ
ایریلن ۶ مایس ۳۳۱ تاریخی تحریرات عمومی صورتی در:

خدمت غیر مقصورهیه تابع اوله رق تحت سلاحه آلمش ایکن اخیراً نشر اولنان ۲۱ شباط سنه ۳۳۰ تاریخی قانون موقت موجبجه درجه تحصیلرینه کوره خدمت مقصورهیه تفریق ایدیلان مأمورینك معاشرلی حقنده ۲۴ آغستوس سنه ۳۳۰ تاریخی قانونك خدمت مقصورهیه تابع اولیه رق تحت سلاحه آلمان احتیاط و مستحفظلره متعلق احکامنه توفیق معامله اولنسی لازم کله چکی لدی الاستیضاح مالیه نظارت جلیله سنندن بیلدیرلمشدر.

* *

بیروت استیناف حقوق رئیس محمد مصباح افندینك تحدید سن قرارندن استثناسی حقنده:

بیروت ولایتی استیناف محكمه سی حقوق دائره سی رئیس محمد مصباح افندینك تجربه سنندن و خدمتندن استفاده ایدلك اوزره تحدید سن قرارندن استثناء استخدامی مجلس و کلاجه قرارگیر اولمشدر.

محكمه تمیز مقرراتی

محكمه تمیز مقرراتی

محكمه تمیز مقرراتی ۳۱ مارت ۱۳۳۱ تاریخنده قراره ربط اولوانه اعلام صورتی در:

«یاپراقلرک قبل الظهور بیی باطل ایسه ده بویا پراقلرک بعد الظهور مشتری طرفندن استیلاک ایدلدیکنك ثبوتی تقدیرنده تضمین قیمتنه محکومیت اقتضا ایده چکندن محكمه بداتك بویا پراق بیی کیفیتنی تحقیق ایتمکمزین، ویریلن مبالغك ثمن عقاره محسوباً ویرلدیکی یولنده کی اقرار ایله اکتفا ایدلسی مخالف قانوندر»

بروسه قصبه سنك نعلبند محله سننده مقیم متوفی رضا افندی مخدومی عبدالواحد بك ایله امیر خاننده عطار شکری افندی میانه سننده متکون دعوایه دائر بروسه استیناف محكمه سنندن ۱۷ کانون ثانی ۳۳۰ تاریخی و اوتوز ایکی عددیله ویریلوب مومی ایله عبدالواحد بك طرفندن تمیزاً تدقیق استدعا قلنان اعلام طرفینك اعتراض و جواب لایحه لریله برابر بالمطالعه تدقیقات تمیزیه اجراسنه ابتدار قلندی.

اعلام مذکور مندرجاتنه نظراً: مومی ایله شکری افندینك مزبور عبدالواحد بك ذمتنده میرمومی الیهك پدری متوفای مومی ایله رضا افندیدن قبل الوفات یوز یکریمی لیرابدل مقابلنده خارجاً اشترا ایتك ایسته دیکی بر قطعه طوت باغچه سی بدل اشترا سنندن یوز و بو باغچه یه غرس ایتك ایستدیکي اشجار قیمتندن یکریمی لیرا و ویرکو جهشندن یوز اون درت غروشکه جمعاً مطلوبی بولندینی اقرار واقعدن آکلاشیلان یوز یکریمی لیرا یوز اون درت غروشك مومی ایله عبدالواحد بکدن مع فائض تحصیلنه و عبدالواحد بکك اشبو یوز لیرادن اون بش لیراسنی مومی ایله شکری افندی یه صاتیبنی طوت بدله محسوباً آلدینی یولنده واقع اولان ادعاسنك ردینه دائر بروسه بدایت محكمه سنندن صادر اولان اعلام حکمنه مومی ایله عبدالواحد بکك عدم قناعتله استیناف دعوایه قیام و وقتیه مذکور بدایت محكمه سنه لدی المراجعه پدری متوفای مومی الیهك مومی ایله شکری افندی یه یوز یکریمی لیرا بدل مقابلنده خارجاً بیع و فروخت ایتدیکي سالف الیایان باغچه بدلندن سکسان بش و بهر سنه لکی سکزر لیرادن اولمق وزره اشبو باغچه ك كذلك صاتمش اولدینی درت سنه لك طوت یپراغی ثمنندن انجق اون بش لیرا مأخوذی اولدینندن بشله بونلرک اوست طرفنك ویرده باغچه ك اوچ سنه لك ویرکو بدلنك تحصیل حقنده اقامه ایلدیکي دعوانك ردینی متضمن اوله رق ویرلمش اولان برقطعه اعلامی ابراز واعطا ایلسی اوزرینه محكمه استینافیه جه جریان ایدن محاکمه و تدقیقات نتیجه سننده اعلام مستأنف بهك ویرکویه متعلق فقره حکمیه سنك فسخته و فقرات سائر سنك تصدیقه حکم و قرار ویرلدیکی آکلاشلمشدر.

مستدعی تمیز طرفندن ویریلان لایحه ده : خصمنك منازع فيه باغچه غرس ایتدیکی اشجار بدلندن طولانی کندوسنك الزامی لازم گیه جکندن و خصمنك واقع اولان تأدیاتنك ثمن میعه محسوباً ویرلمش اولدینی بیانیله ییراق بدلی اوله رق استیفا اولنان مبلغ رد و اعاده سنه قرار ویرلمشی دخی یولسز اولدیغندن و اسباب سائردهن بختله اعلامك نقضی و لایحه جوابیه ده دخی اعتراضات مسروده نك غیر وارد بولندی بیانیله ردی و موافق اصول و قانون اولان اعلام مذکورك تصدیقی طلب و استدعا ایدلمشدر .

ایجاب کیفیت مذاکره اولنرقده : اعلام مذکورك مآلندن منضم اولدینی اوزره مذکور باغچه ده کی طوت اغاچلرینك درت سنه ظرفده ظهور ایدمك ییراقلرینك بهر سنه لکی سکزر ایرادن اوتوز ایکی لیرا ثمن مقابلنده عبدالواحد بك طرفندن شکری افندی به بیع ایدلمش و ثمن میعه محسوباً کندوسنه اون بش لیرا اعطا قلمش اولدیغنی عبدالواحد بك ادعا و شکری افندی ایسه مذکور اون بش لیرای عقالر مذکور ثمنه محسوباً اعطا ایلدیکنی درمیان ومدعی بوجهتی انکار ایتمکده اولوب کرچه مذکور ییراقلر قبل الظهور بیعی باطل ایسه ده بونلرک بعد الظهور شکری افندی طرفندن استهلاک ایلدیکی ثابت اولدینی تقدیرده قیمنلرینك تضمینی ایله محکومیتی اقتضا ایدمکجه بختله بدایت محکمه سنك اشبو ییراق بیعی کیفیتنی تحقیق ایتمسزین مذکور اون بش لیرانك عقالر ثمنی اولان یوزیکرمی لیرایه محسوباً ویرلمش اولدینی مدعی علیک اقرار ایله ثابت اولدیغندن بختله دیگر سکسان بش لیرا ایله معاً استردادینه قرار ویرلمشی مغایر قانون اولمغله محکمه استیناقل بوجهتی نظر اعتباره آله رق بدایت اعلامنی بوندن طولانی اصلاح ایلمشی اقتضا ایدر ایکن تصدیقه قرار ویرلمشی مخالف قانون اولدیغندن اصول محاکمه حقوقیه قانوننك ایکی یوز اوتوز ایکنجی ماده سی موجبجه اعلام مذکورك یالکز بوجهت حقنده کی فقره حکمیه سنك نقضیه کیفیتك قانون مزبورك ایکی یوز قرق دردنجی ماده سی حکمنه توفیقاً بالرؤیه حکمه ربطی ضمننده محکمه استینافه اعاده سنه و جهات سائر سنك قانون مزبورك ایکی یوز قرق ایکنجی ماده سنك فقره اخیرهمی منطوقجه تصدیقه و زیرده مفرداتی و معطیسی محرر مصارف تمیزیه نك ایلروده حقسنز جیقه جق طرفه عاڈ اولسنه ۳۱ مارت ۱۳۳۱ تاریخده متفقاً قرار ویرلدی .

محکمہ تمیز حقوق دائرہ منبرہ صادر اولوب ۲۱ یسانه سنه ۱۳۳۱ تاریخده قراره ربط اولوانه
اعلام صورنیدر :

«استهلاک عین اوزربنه وارد اولان اجاره فاسد اولدیغندن بوندن دولای اجرهمسی
واجر مثل لازم کلز .»

ازمیرده قارشی یقهده نعل دوکن موقعنده مقیم طاشچی و کوزله مهجی اوغلی امام حافظ محمد افندی ایله

ازمیرده ساکنلر متوفی دباغ حاجی محمد افندی ورثه سندن مخدوملری علی و اسماعیل حق بکدر و کریمه سی فاطمه نباهت خانم بیننده متکون دعوایه دائر ازمیر بدایت محکمه سندن ۲۰ کانون ثانی ۳۳۰ تاریخنی و یوز سکسان طقوز عددی ایله ویریلوب مومی الیه حافظ محمد افندی طرفندن رأساً و ورثه مومی الیه طرفندن مقابله تمیزاً تدقیقی استدعا قلمان اعلام طرفینك اعتراض و جواب لایحه لریله برابر بالمطالعاه تدقیقات تمیزیه اجراسنه ابتدار قلندی .

اعلام مذکور مندرجاتنه کوره : متوفای مومی الیه حاجی محمد افندی حال حیاتنده محکمه مذکورده به باعرضحال مراجعتله قارشی یقه نعل دوکن موقعنده کائن و دیگر حصه داران ایله باسنده خاقانی متصرف اولدینی مرعی حدودی داخلنده بولنان بر قطعه طاش اوجاغنی سنه لکی اون بش لیرا بدل ایجار مقابلنده مومی الیه حافظ محمد افندی به ایجار ایلش اولدینی حالد مومی الیه اوجیوز یکرمی و یکرمی درت و یکرمی بش و یکرمی آلتی سنه سندن درت آیلق بدل ایجار اولان جمعاً الی لیرایله جهت قرضدن درت بحق عثمانی لیراسی و قربان بدلندن درت بحق مجیدی بی اعطایتمدیکنندن مبالغ مذکورده نك مع فائض تحصیلیه عقد ایجارك فسخی و مأجورك بالتخلیه تسلیمنی طلب و دعوی ایتسنه قارشو مدعی علیه دخی محل مذکور ۳ تشرین اول ۳۱۳ تاریخنی رخصتنامه موجبجه اراضی خالیه دن اولمق اوزره طاش اوجاغنی کشادیه تصرف ایدمکدیکنی و محل مذکورك مدعینك ابراز ایلدیکی سندنك حدودی خارچنده اولدیغنی و هر نه قدر طاش اوجاغنی بدل ایجارندن اون بش لیرا بورجی اولدیغنه دائر مبرز سندده کی امضا و مهر کندوسنك ایسه ده مفهومه واقف اولمیه رق مهرلمش بولندیغنی و جهت قرضدن درت بحق لیرایله قربان اثمانی اولان درت بحق مجیدی بورجی اولدیغنی بالیان اخیراً اولاباده کی ایجار سندی کندوسنك ایسه ده مدعی به محلدن بشقه بر طاش اوجاغنه عاڈ اولدیغنی افاده ایله برابر دعوا ده مرور زمان بولندیغنی سرد و اتیان ایلمشی اوزربنه محکمه جه مدعی علیک مضمون سندی بعد الانکار اقرار ایله بشقه مأجوره عاڈ اولدیغنی ادعا ایلمشی تناقض تشکیل ایتمکله مرور زمان ادعاسنك ردینه قرار ویرلکدن و مدعینك دخی مدعی به الی لیرادن اون بش لیراسی مبرز سنه له اجر مسمی اولوب متبایسی معدللاستغال اولان محل مذکورك اون بش لیرادن عبارت اولان اجر مثل سنویسندن اوجیوز یکرمی درت و یکرمی بش و یکرمی آلتی سنه لرینك درت آیاغنه اصابت ایدن مقداری ایدوکنی بیانه تصحیح دعوی ایتدکدن صکره اخیراً وقوع عوفاتنه مبنی ورثه سندن علی و اسماعیل حق بکدر ایله فاطمه نباهت خانم حضوریه اجرا قلمان محاکمه و کشف و تدقیقات نتیجه سنده مذکور طاش اوجاغنك مدعینك ابراز ایلدیکی طاپوسندی حدودی داخلنده اولدیغنی اجرای کشفی حاوی نائب و اهل خبره طرفندن معطی راپور مندرجاتیه ثابت اولدیغنی کبی محل مذکورك معدللاستغال اولدیغنی و اجر مثل سنویسندن ده اون بش لیرادن عبارت بولندیغنی استماع اولوب سرأ و علناً تزکیه لری اجرا قلمان شاهدلرک شهادتیه تبیین و تحقیق ایتسنه مبنی مدعی لرك حق تصرفنه مدعی علیک وقوع بولان مداخله سنك منعه و اجاره نك دخی فسخیله

مأجورك تخلیه سته و بدل ایجاردن اجر مسمی اولان اون بش لیرا ایله اجر مثل اولان اوتوز بش لیرانک معترفه اولان درت بچق لیرا و درت بچق مجیدیه ایله برابر مدعی علیهدن مع فائض تحصیلنه و مدعیلرک اجرای موقت طلبک ردینه حکم و قرار ویرلدیکی اکلشلمشدر .

مستدعی حافظ محمد افندی طرفندن ویریلان لایحه ده: عندالحاکمه دعواده مرور زمان اولدینی حقنده درمیان ایلدیکی دفعنک کویا تناقض اولدینی بیانیه ردینه قرار ویرلمسی مغایر قانون اولدیغندن واسباب سائرهدن بخله اعلامک تقضی و لایحه جوابیه ده دخی بر موجب استدعا اجر مثلاًک مأجورک حین تخلیه سته و یا خود هیچ اولماز ایسه تاریخ حکمه قدر تحصیلنه قرار ویرلمک لازم کلیر ایکن بوندن ذهول اولمسی مخالف قانون اولدیغندن اعلام مذکورک یالکیز بونقطه دن تقضیه موافق اصول و قانون اولان جهات سائرهنک تصدیق طلب واستدعا اولمشدر .

ایجابی لدی المذاکره اعلام مذکورک مأجورک تخلیه سی حقنده کی فقره حکمیه سی موافق اصول و قانون اولدیغندن اصول محاکمه حقوقیه قانوننک ایکوز قرق ایکنجی ماده سنک فقره ثانیه سی موجبجه مذکور فقره حکمیه نک متفقاً تصدیقنه و بدلات اجاره حقنده کی فقره حکمیه یه کلنجه: بومثللو استهلاک عین اوزرینه وارد اولان اجاره فاسد اولغله بوندن دولای اجر مسمی و اجر مثل لازم کلیر استهلاک اولنان طاشلرک مقداری محکمه جه تحقیق اولدقدن و مقدار قیمتلری دخی اهل خبره معرفتیه تقدیر ایتدیرلدکن صکره مستأجرک قیم مذکوره ایله محکوم ایدلمسی لازم کلیر ایکن بوندن ذهول اولمسی مغایر قانون اولدیغندن قانون مذکورک ایکوز قرق برنجی ماده سی موجبجه اعلام مذکورک بوجهت حقنده کی فقره حکمیه سنک دخی اکثریتیه تقضیه ایکوز قرق دردنچی ماده سی حکمنه توفیقاً اعلامه ربطی ضمننده محکمه مذکوره یه اعاده سته وزیرده مفردات و معطیسی محرر مصارف تمیزیه نک ایلروده حقسز حقیقه جق طرفه عائد اولمسنه ۲۱ نisan ۱۳۳۱ تاریخنده قرا ویرلدی .

حکمه تمیزیه حقوقه دائره مندره صادر اولده ۲ مایس ۱۳۳۱ تاریخلی اعلام صورنیر :

« دعوی دینه ، مدعی : لیهک تختیمی انکار ایدوب مجرد ختمی اقرار ایتسی ،
اعتراف دین دکادر »

ا کردیر قصبه سنک حمام محله سنده مقیمون متوفی خطیب زاده عبده افندی مخدوملری رفعت ونوری وحسن افندیلر ایله سیدم محله سنده مقیمه خطیب زاده متوفی صالح افندی کریمه سی عائشه خانم بیننده متکون دعوا یه دائر ا کردیر بدایت محکمه سندن ۲۷ تموز سنه ۱۳۳۰ تاریخی و اون بش عددیه ویریلوب مومی الیه رفعت افندی طرفندن تمیزاً تدقیقی استدعا قلنان اعلام یالکیز مستدعینک اعتراض لایحه سیله بالمطالعه تدقیقات تمیزیه اجر اسنه ابتدار قلندی .

اعلام مذکور مندرجاتنه نظراً: مزبورده عائشه خانمک مومی الیه رفعت ونوری وحسن افندیلر ذمتنده برقطعه سند موجبجه الاجبی بولنان بیک غروشک مع فائض تحصیلنه دائر استحصال ایلدیکی اعلام غیابی حکمنه محکوم علیهدن رفعت افندی عدم قناعتله بالاعتراض مذکور سنده مهری موضوع ایسه ده برادری نوری افندی یدنده بولنش اولمسندن طولای انک طرفندن وضع ایلدیکدن بخله اعلام غیابی مزبورک جرح وابطالی طلب و دعوی ایلمسی اوزرینه محکمه جه مهر مذکور حقنده تطبیقات قانونیه اجر اسیچون کیفیتک اهل وقوفه حواله سی قرارگیر اولدقدن صوکره جریان ایدن محاکمه و تدقیقات نتیجه سنده انکار اولنان مهر مذکور مدعی علیه رفعت افدینک ولدینی عندالتطبیق اکلشلمش بولدینی بیانیه مدعی یه مبالغدن معترض مرقومک حصه سنه اصابت ایدن اوچ یوز اتمش طقوز غروش اون اوچ پاره نک فائضیه برابر کندوسندن تحصیلنه حکم و قرار ویرلدیکی اکلشلمشدر .

مستدعی تمیز طرفندن ویریلان لایحه ده سالف الذکر سنک کندو طرفندن تختیم ایلدیکنک مدعی یه اثبات ایتدیرلمسی لازم کلور ایکن بوجهتک نظر دقه آلتامسی مخالف قانون اولدیغندن واسباب سائرهدن بخله اعلامک تقضی استدعا ایدلمشدر .

ایجاب کیفیت مذاکره اولدقدن : خصوص مدعی هر نه قدر بوجه مشروح حکم و قراره ربط اولنش ایسه ده مدعی علیه فعل تختیمی انکار اتمش اولدیغنه و مجرد مرقومک ختمی اقرار ایتسنک سننده مندرج اولان دینک اعتراف ایدلمسی کی تلقیسی لازم کلیر بجه نک بیک آلتی یوز یدنجی ماده سننده مصرح اولدینی اوزره مذکور سند معموله اولق ایچون دیونک انی مهرلش اولمسی شرط بولندیغنه نظراً فعل تختیمک اثبات ایتدیرلمسی و بعده تبیین ایده جک حاله کوره حکم اعطا قلنسی اقتضا ایدرایکن بوندن ذهول ایده جک حاله کوره حکم اعطا قلنسی اقتضایدر ایکن بوندن ذهول اولمسی مخالف قانون اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک تقضیه قانون مزبورک ایکی یوز قرق دردنچی ماده سی حکمنه توفیقاً کیفیتک وجه مشروح دائره سنده بالرؤیه اعلامه ربطی ضمننده محکمه مذکوره یه اعاده سته و مدعی یه بشیوز غروشندن دون بولندیغنی جهته خرج تعرفه سنک ماده مذلیه سی موجبجه رسوم تمیزیه نک تأجیلیه ماعدا وزیرده مفرداتی و معطیسی محرر مصارف تمیزیه نک ایلروده حقسز حقیقه جق طرفه عائد اولمسنه ۲ مایس ۱۳۳۱ تاریخنده متفقاً قرار ویرلدی .

حکمہ تمیز حقوق دائرہ سندہ صادر اولوب ۳ مایس سنہ ۳۳۱ تاریخہ قرارہ ربط ارلاناہ

اعلام صورتیبر :

« خصوصت وکالتہ یمین تکلیفہدہ وکالتی تضمن ایتدیکی حالده محکمہ نک بونی تأمل ایتدیہرک وکالتنامہدہ یمین تکلیفہ صلاحیت صراحتک بولنامسی نظره آلتسی مخالف قانوندر »

استانبول ولایتی ایله ککبوزه قریه سندہ مقیمون متوفی مختار شریف اغا ورثه سندن زوجہ سی زهرا خانم و اوغلاری احمد و حسن و قریه مذکورہ امامی احمد افندیلر بیندہ متکون دعواہ دائر ککبوزه بدایت محکمہ سندن ۲۴ کانون اول ۱۳۳۰ تاریخہ ویکرمی عددی ایله ویریلوب ولایت مشارالیه وکیلی طرفدن تمیزاً تدقیق استدعا قلنان اعلام باش مدعی عمومیک مأموریت علیہ سنک مطالعہ نامہ سی التقدیدن صکره یالکیز مستدعینک اعتراض لایحه سیله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً خزینہ وکیلی مال مدیری تحسین افندی محکمہ مذکورہ به با عرضحال مراجعتله اوچ اون یدی سنہ سی تیمورجیلر قریه سی اعشارینی قریه نامنه درعهده و التزام ایدن مختار شریف اغا و امام احمد افندیکن ازغیر تسلیم رأس المالدن الیوم سکیز یوز التمش الی غروش اوتوز پاره دینلری اولوب مزبور شریف اغانک وقوعوفاتی حسینیه مبلغ دین مذکورک ورثه مرقومه ایله مومی ایله امام احمد افندیکن مع فائض و مصارف محاکمه تخصیصی طلب و دعوی ایتسنه قارشو مدعی علیهم ورثه مرقومه ایله مومی ایله امام احمد افندی انکار مدعی ایتلری اوزرینه جریان ایدن محاکمه و تدقیقات نتیجه نده مدعی وکیلی ثبوت مدعی ضمنتده مزاد قائمهلرینی ابراز ایدہ مدیکی کبی سائر صورتلده اثبات مدعی ایدہ میه جکینی درمیان ایلسنه و اصول محاکمه جه دعواسنی اثبات ایدہ میان طرفک خصمنی تحلیف ایدہ بیلمک حق و صلاحیتی حائر ایدہ اولبابده کی وکالتنامہ سندہ بویله صلاحیتہ مالک اولدینی اکلشامسنه بناء طالب تحلیف اولوب اولدیغنک استفسارینه لزوم کوریلہ میهرک ثابت اولمیان دعوای واقعہ نک ردینہ حکم و قرار ویرلدیکی اکلشامشدر .

مستدعی تمیز وکیلنک اعطا ایلدیکی لایحه اعتراضیهده دعوای واقعہ شهود شخصیه ایله اثبات ایدیلہ جکی حقتده عندالمحاکمه درمیان ایدیلاں ادعاسی نظراعتبارہ التمدینی کبی مندرجاتی اعلامده ذکر و تصریح اولنمیان وکالتنامہده دخی یمین تکلیفہ صلاحیت اولدیغندن بحثله رد ادعایه قرار ویرلمسی یولسز و مغایر قانون اولدیغندن اعلام مذکورک نقضی طلب واستدعا اولنش و مطالعہ نامہ مذکور مندرجاتی دخی مدعی به و تاریخ حکمه نظراً رؤیت دعوی صلح محکمہ سنه عائد ایکن تجاوز وظیفه صورتیه رؤیت و حکم اولنسی مخالف قانون اولدینی بیانندن عبارت بولمشدر .

ایجابی مذاکره اولدقدہ هر نه قدر محکمہ جه کیفیت بروجہ محرر تحت حکمه التمش ایدسده خصومه وکالت یمین تکلیفہده وکالتی متضمن اولدینی حالده محکمہ جه بوجهت تأمل ایدلمیهرک وکالتنامہده وکیلک یمین

تکلیفہ حق و صلاحیتی اولدینی تصریح ایدلمیکدن بحثله برمنوال محرر قرار ویرلمسی مخالف قانون اولدیغندن اصول محاکمه حقوقیه قانوننک اکیوز اوتوز ایکنجی ماده سی موجبجه اعلام مذکورک نقضیه قانون مزبورک اکیوز قرق دردیجی ماده سی حکمنه توفیقاً کیفیتک تکرار بالرؤیه اعلامه ربطی ضمنتده محکمہ مذکورہ به اعاده سنه و زیرده مفردات و معطیسی کوسه تریلن مصارف تمیزیه نک ایلروده حقسز حقیقه جق طرفه عائد اولسنه ۳ مایس ۱۳۳۱ تاریخده متفقاً قرار ویرلدی .

حکمہ تمیز حقوق دائرہ سندہ صادر اولوب ۹ مایس سنہ ۳۳۱ تاریخہ و ۲۲۴ نومرولی اعلام صورتیبر :

« مدعی طرفندن ، ترکنک ممثلی اولان ورثه دن بری علیهنده اجرایه مراجعت بتون ورثه حقتده کی مرور زمانی قطع ایدر . »

مالیه خزینہ جلیله سی ایله بارطینک سنجاقدار محله سندہ مقیمون قلایحی زاده متوفی حافظ محمد افندی ورثه سندن مخدومی طلعت افندی و کریمه سی بهیجه و حفیده سی زهرا خانملر بیندہ متحدث دعواہ دائر زعفرانبولی بدایت محکمہ سندن ۳۱ تموز ۳۲۹ تاریخہ ایله ویریلوب خزینہ مشارالیهانک محلی وکیلی طرفدن تمیزاً تدقیق استدعا قلنان اعلام باش مدعی عمومیک مأموریت علیہ سنک مطالعہ نامہ سی آلتقددن صکره یالکیز مستدعینک اعتراض لایحه سیله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه کوره : خزینہ مشارالیه وکیلنک محکمہ مذکورہ به با عرضحال مراجعتله متوفای مومی ایله حافظ محمد افندی ذمنتده اعشاره اولان کفالتندن طولانی کرک رأس المال و کرک فائضندن جمعا موکلنک الهجی اولان درت بیگ یوز التمش ایکی غروش اون بش پاره نک متوفانک ترکسنه اضافله مخدومی مومی ایله طلعت افندیکن تحصیلی حقتده اقامه ایلدیکی دعوی اوزرینه استحصال ایلدیکی اعلام غیابی علیهنه مومی ایهم طلعت افندی ایله بهیجه وزهرا خانملر طرفندن اعطا قلنان اعتراض علی الحکم عرضحالی اوزرینه اجراسنه ابتدار اولان محاکمه معترضلر ورثه میاننده صغیر و یتیم بولندیجی جهته دعوای واقعہ نک رؤیتی محکمہ شرعییه عائد اولدینی کبی دعواده مرور زمان بولندیجی و ایچلرندن طلعت افندیکن اقراری فرض اولسنه بیله اشبو اقرارک آنجق ترکدن حصه سنه اصابت ایدن مقداره ساری اولوب اقرار ایتیمان دیکر ورثه به ساری اوله میه جغنی و معترض علیهنه خزینہ به متعلق بالعموم دعاوینک رؤیتی محاکم نظامیه به عائد اولدینی کبی متوفانک له ویا علیهنه اقامه اولنه جق دعاویده ورثه دن برینک خصم اوله بیله جکی احکام قانونیه اقتضاسندن بولنش و مومی ایله طلعت افندی به حجزنامه تبلیغ اولنه رق اموال منقوله و غیر منقوله لر فروخت و اثمانی خزینہ به تسلیم ایدلمش اولدیجی و اعلام غیابینک مومی ایله طلعت افندی حضوریه قسماً و جاهاً اجرا قلنان محاکمه سی اثناسنده سبق ایدن اقراریه کفیلنک مالی اراده ایتک صورتنده کی اقرار بالکتابه سنه نظر آدعواده

مرور زمان اولمادیغنی ومع هذا اخیراً اجرا قلنان تدقیقاتده مدعی بهک فائض قسمندن درت یوز اوتوز طقوز غروش بش پاره دها آلاچق ظهور ایتش اولسی جهتله مدعی بهک جمعاً درت بیک آلتیوز بر غروش اون پاره اولق اوزره تصحیحی صورتیه حکم غیابینک تصدیقنی سرد واتیان ایلری اوزرینه اولامرده دعواده مرور زمان اولمادیغنی اولباده جلب و تدقیق اولنان اوراق اجراییه مندرجاتندن اکلاشلمش اولسنه مبنی مدعی عمومی حضوریه کرک مرور زمان و کرک وظیفه حقنده سرد اولنان اعتراضاتک ردینه قرار ویرلدکن صکره اجرا قلنان محاکمه و تدقیقات نتیجه سنده بوباده اقامه اولنان دعوی و اجرا ایدیلان معاملات اجراییه یالکیز معترضدن طلعت افندی حقنده اولوب دیگر ورثه حقنده بر کونا طلب و ادعا سبق ایتامش اولدینی اوراق اجراییه و جریان ایدن محاکمه تظاهر ایتش و مومی الیهک متوفانک ترکه سینه مستقلاً واضح الید اولدینی دخی اکلاشیه مامش اولسی جهتله مومی الیهک بوباده کی اقراری متوفانک ترکه سنده کی حصه سینه اصابت ایدن مقداره مقصور و منحصر اولوب ورثه سائرتهک مواخذه سی لازم کیه چکی احکام قانونیه اقتضاسندن اولسنه مبنی مومی الیه طلعت افندی اولباده کی وراثت حجت شرعیه سنده محرر اولان بشیک یدییوز آلتش سهدن اوج بیک یوز قرق سهم اعتباریه مجموع دیندن حصه سینه اصابت ایدن مقدارینک طلعت افندی تحصیلی صورتیه حکم اولک تصحیحاً تصدیقنه و دیگر ورثه حقنده ده خزینه وکیلک آروجه اقامه دعواده مختار بولندیغه حکم و قرار ویرلدیکی اکلاشلمشدر.

مستدعی خزینه مالیه وکیل طرفندن ویریلان لایحه ده : معاملات اجراییه دن کرک اصل و کرک کفیل ورثه لرینک معلوماتی اولدینی جهتله محکمه جه مدعی بهک ترکه دن تحصیلنه حکم اولنق لازم کلور ایکن یالکیز طلعت افندی حصه سینه اصابت ایدن مقدارک تحصیلنه قرار ویرلمسی مغایر قانون اولدیغندن و اسباب سائرته دن بختله اعلامک نقضی طلب و استدعا اولنمش و آنف الیان مطالعه نامه مالی ایسه طلعت افندی مرور زمانی قطع اقرارینک ورثه سائرته سرایت ایتیه چکی درکار بولندیغنی جهتله لایحه تمیزیه ده سرد اولنان اعتراضاتک وارد کوریه مدیکی بیانندن عبارت بولمشدر.

ایجابی لدی المذاکره خصوص مدعی هرته قدر بر منوال محرر حکم و اعلامه ربط اولنمش ایسه ده مدعی طرفندن ترکه نک مثلی اولان ورثه دن بری عاپنده اجراییه و قوعبولان مراجعت بالعموم ورثه حقنده کی مرور زمانی قطع ایده چکنه و مالیه خزینه سی طرفندن ورثه دن طلعت افندی عاپنده اجرا دائره سینه مراجعت اولندیغنی ثابت اولسنه نظراً مبلغ مدعی بهک ورثه نک عمومیه ساری اولق اوزره ترکه دن تحصیلنه قرار ویرلمک لازم کلور ایکن محکمه جه بوجهتن ذهول اولنه رق یالکیز طلعت افندی تحصیلنه حکم اولنمش مغایر اصول و قانون اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک نقضیه ایکوز قرق دردنجی ماده سی حکمنه توفیقاً کیفیتک تکرار بالرؤیه اعلامه

ربطی ضمننده محکمه مذکوریه اعاده سینه وزیرده مفردات و معطیسی محرر مصارفک ایلروده حقسنز چیه چق طرفه عائد اولسنه ۲۴ کانون اول ۳۳۰ تاریخنده اکثریتله قرار ویرلدی .

مذکور استدعا دائره سائر

محکم تمیز استدعا دائره سائر صادر اولوب ۶ کانون اول ۳۳۰ تاریخنده قراره ربط اولنان اعلام صورتیه ده :

« قطع اشجار جرمی حقنده جرمک زمان وقوعه عائد ادعا ایله حقوق شخصیجه جهمتک تدقیق لازمدر . »

قونیه ولایتی استیناف محکمه سی جزا دائره سندن صادر اولان ۲۹ ایلول ۳۳۰ تاریخ و اتی یوز اون نومرولی اعلامک تمیزاً تدقیقنی مستدعی اورمان اداره سی طرفندن ویریلان استدعا نامه و اوراق متفرعه سی باش مدعی عمومیلک مأموریت علیه سندن با تبلیغ نامه محکمه تمیز استدعا دائره سینه تو یبع اولنغله لدی التدقیق مذکور استدعا نامه نک مدت قانونیه سی ظرفده اعطا قلندیغنی اکلاشلمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی میری اورمانندن تماسز اشجار قطع ایلدیکی ادعا اولنان محمد غالب افندیکنک اجرا قلنان محاکمه سی نتیجه سنده مدعا کر استه لک نقلیه سی ۲ جزیران ۳۲۴ تاریخده ویرلمش اولدینی تحقق ایتسنه و اول وجه ایله نقله رخصت ویریلان کر استه لک بانطبع بوندن دها اول قطع اونه جنی درکار اولسنه مبنی ۱۰ تموز ۳۲۴ تاریخندن مقدم و قوعبولدینی اکلاشیلان جرم مذکور حقنده تعقیبات قانونیه اجراسنه محل اولمادیغنه و طلب ایدیلان تضمیناتدن طولانی اورمان اداره سنک عائد اولدینی محکمه مه مراجعتده مختاریته دائر بدایه لاحق اولان حکمک عندالاستیناف دعوای واقعه ده مرور زمان اولدینی اکلاشلدیغندن تعقیباته محل اولمادیغنه دائر بدایه صادر اولوب موافق اصول و قانون بولنان حکم ابتدائی مذکورک تصدیقنه قرار ویرلدیکی متضمندر .

تمیز استدعا نامه سنده تاریخ قطعیات ضبط ورقه سنده محرر اولدینی حالده محکمه استینافیه جه بوجهت نظره التمسین و تعمیق تدقیقات ایدلمکسزین بر منوال محرر قرار ویرلمسی مغایر قانون ایدو کندن بختله اعلام استینافینک نقضی استدعا اولنمش و تبلیغ نامه ده دخی قرار تمیزیه تدقیقاته مستند بولنسنه نظراً تمیز استدعا نامه سنده نقصان تدقیقات حقنده سرد ایدیلان اعتراضات غیر وارد بولنمش اولدیغندن ذکر اولنان استدعا نامه نک ردی طلب اولمشدر .

ایجاب کیفیت لدی المذاکره تماسز اشجار قطع ایلدیکی ادعا ایدیلان متعهد محمد غالب افندیکنک درجه

اولی محکمه سنجه جریان ایدن محاکمه سی اثنا سنده اشجار مذکورہ نک اوچوز یکر می درت سنه سی تشرین
 نایسنده قطع ایدلمش اولدینی اورمان اداره سی وکیلی طرفدن اولبابده کی ضبط ورقه لرینه استناداً ادا
 اولنوب حتی ماه مذکور طرفنده اداره مذکورہ جه مقطعک حین کشفندہ قطعیاتک هنوز اجرا ایدلرکنه
 دلالت ایدہ جک صورتده اغاجلرک کوتوکلرندہ علامت موجود ایدوکی تأمین مدعا ضمنندہ درمیان اولنمش
 ایکن مدعا به کراستہ لک نقلہ ۲ حزران ۳۲۴ تاریخندہ رخصت ویرلدیکی تحقیق ایدلرکندن واول وجه ایلہ
 نقلہ رخصت ویریلان کراستہ لک بالطبع بوندن دها اول قطع اولنہ جفی درکار بولندیغندن بختلہ جرمک
 ۱۰ تموز ۳۲۴ تاریخندن اول وقوعک قبول تحقیق احتمالہ مستند حالاتدن معدود اولنہ ومع هذا مذکور
 تاریخندن مقدم وقوعه کلن جرائمه متعلق محاکم جزائیہ حضورندہ اقامہ ایدیلان دعاوینک اولبابده کی عفو
 قانونی موجبجه حقوق عمومیه جہتی تابع تعقیبات دکل ایسہده حقوق شخصیه جہتک محاکم مذکورہ جه
 بالرؤیہ تحت قرارہ النسی لزومنه قارشو دعوا ی حاضرده جرمک ۱۰ تموز ۳۲۴ تاریخندن مقدم وقوعی
 سبیلہ اورمان اداره سنک حقوق شخصیه سندن اولان تضمیناتدن طولای عائد اولدینی محکمه یه مراجعتده
 مختاریتہ قرار ویرلمسی خلاف اصول وقانون بولنسنہ بناء حکم ابتدائیک شوسیلردن ناشی فسخیلہ قطعیاتک
 زمان وقوعی حقندہ کی ادا ایلہ حقوق شخصیه جہتک بالتدقیق تبین ایدہ جک حالہ کورہ اتخاذ قرار اولنق
 لازم کلور ایکن جہات مذکورہ دن ذہول ایدلمسی وحکم ابتدائی بر منوال محرر ۱۰ تموز ۳۲۴ تاریخندن
 مقدم وقوعی حسیلہ جزای تقدی جہتک تعقیباتہ محل اولمادیغنه وحقوق شخصیه دن طولای اداره مذکورہ نک
 محکمه عائدہ سنہ مراجعتده مختار بولندیغنه دائر اولدینی حالہ استیناف محکمه سنجہ دعوا ی واقعده مرور
 زمان وقوعی سبیلہ استناداً حکم ابتدائیک موافق اصول وقانون عدیلہ تصدیقی جہتہ کیدلمسی یولسز ومغایر
 قانون اولدیغندن اصول محاکمات جزائیہ قانوننک اوچوز اون ددنجی و اوچوز اون طقوزنجی ماده لری
 منطوقنجه اعلام استینافینک تقضیلہ احکام قانونیہ دائرہ سندن ایفای معاملہ اولنق اوزرہ اوراق متعلقہ سنک
 محکمه مذکورہ یه اعادہ سنہ وایکی یوز غروش اعلام خرجنک تعرفہ وتعلیمات مخصوصہ سنہ توفیقاً ایلرودہ
 حقسز چیقہ جق طرفندن اخذینہ ۶ کانون اول ۳۳۰ تاریخندہ متفقاً قرار ویرلدی .

محکمہ تمیز استرعا دائرہ سندرہ صادر اولوب ۸ لانونہ اول سنہ ۳۳۰ تاریخندہ قرارہ ربط اولنلہ اعمام صورتیدر :

« تأدیہ ایدلمہ بن مجازات نقدیہ نک جزای - بسہ تحویلی صراحت قانون اقتضاسندندر »

علائیہ قضاسی بدایت محکمه سی جزا دائرہ سندن صادر اولان ۲۸ اغستوس ۳۳۰ تاریخ ویتش اتی
 نومرولی اعلامک تمیزاً تدقیقی طلبنی حاوی محکمه مذکورہ مدعی عمومی معاونلکی طرفندن ویریلان استدعاناہ
 واوراق متفرعہ سی باش مدعی عمومیلک مأموریت علیہ سندن باتبلیغنامہ محکمه تمیز استدعا دائرہ سنہ تودیع

اولمغله لدی التدقیق مذکور استدعاناہ نک مدت قانونیہ سی طرفندہ اعطا قلندیغی اکلشلمش اولدیغندن
 بالقبول تدقیقات تمیز اجراسنہ ابتدار اولندی .

اعلام مذکورک خلاصہ مالی محکوم اولدینی برمجیدیہ ی اعطادن امتناع ایدلرکی ادا اولنان علی زوجہ سی
 رابعہ نک اجرا قلنان محاکمه سی نتیجہ سندنہ جزا قانوننامہ سنک اوتوز یدنجی ماده سندنہ محرر برکون حبس
 ربع لیرا وکسوری ایچون موضوع اولسنہ وتاریخ جرمہ وقانونک ماقبلہ شامل اولہ مایہ جغنه نظراً مادہ
 معدله اخیرہ نک مذکور جزای نقدینک حبسہ تحویلی ایچون غیر قابل تطبیق اولدیغنه بناء ادعا ی واقعک
 ردیلہ مذکور مجیدیہ دن طولای حبسہ تحویلی جائز اولمادیغنه قرار ویرلدیکی متضمندر .

لایحہ تمیزیہ ده ربع لیرا وکسوری ایچون برکون حبس قانون جزانک اوتوز یدنجی ماده معدله سی
 احکامندن اولدینی حالہ بر منوال محرر قرار ویرلمسی مغایر قانون ایدوکنندن بختلہ اعلام مذکورک تقضی
 استدعا اولنمش وتبلیغنامہ ده دخی مذکور لایحہ ده مذکور جزای نقدینک حبسہ تحویلی لازم کلہ جکنہ دائر
 سرد اولنان اعتراض مندرجات اعلامہ نظراً وارد وبجا بولنمش اولمغله اعلام میزبہک بوسبیدن تقضی لزومی
 طلب اولنمشدر .

ایجاب کیفیت لدی المذاکرہ مزبورہ رابعہ نک محکوم اولدینی برمجیدیہ جزای تقدی یی تأدیہ ایتمہ سنہ
 نظراً جزای مذکورک حبسہ تحویلی قانوننامہ جزانک اوتوز یدنجی ماده معدله سی ایجابندن ایکن محکمه
 استینافیہ جه شوصورتلہ توفیق معاملہ اولنمایوبده اشبو جزانک مقداری اعتباریلہ حبسہ تحویلہ جواز قانونی
 اولمادیغنه قرار ویرلمسی تبلیغنامہ ده دخی کوسسترلدیکی اوزرہ یولسز ومغایر احکام قانون اولمغله اصول
 محاکمات جزائیہ قانوننک اوچوز اون ددنجی و اوچوز اون طقوزنجی ماده لری منطوقنجه اعلام میزبہک
 بوسبیدن تقضیلہ احکام قانونیہ دائرہ سندن ایفای معاملہ اولنق اوزرہ اوراق متعلقہ سنک محکمه مذکورہ یه
 اعادہ سنہ وایکی یوز غروش اعلام خرجنک تعرفہ وتعلیمات مخصوصہ سنہ توفیقاً بالاخرہ ایجاب ایدن طرفندن
 اخذینہ ۸ کانون اول ۳۳۰ تاریخندہ اکثریتلہ قرار ویرلدی .

محکمہ تمیز استرعا دائرہ سندرہ صادر اولوب ۱۱ لانونہ اول سنہ ۳۳۰ تاریخندہ قرارہ ربط اولنلہ اعمام صورتیدر :

« فضله عشر آلدیغنک ثبوتی مقدار زائدک بیلمسنہ متوقف ایکن فضله مقدار

ثبوت بولسزین محکومیت قراری ویرمک مخالف قانوندر . »

قره سی سنجانی بدایت محکمه سی جزا دائرہ سندن استینافاً تنظیم واعطا قلنان ۶ تشرین ثانی ۳۳۰ تاریخ
 وایکی یوز یکر می بش نومرولی اعلامک تمیزاً تدقیقی طلب واستدعاسنی حاوی محکمه مذکورہ مدعی عمومی
 معاونلکی ایلہ علی چاوش طرفلرندن ویریلان ایکی قطعہ استدعاناہ ایلہ اوراق متفرعہ سی باش مدعی عمومیلک

مأموریت علیه سندن باتبلیغنامه محکمه تمیز استدعا دائرہ سنہ تودیع اولغله لدی التدقیق مذکور استدعا نامہ لک مدت قانونیہ سی طرفندہ اعطا علی چاوش طرفندن شرائط لازمه سائرہ سنک دخی ایفا قلندیغی اکلاشلدیغندن مذکور استدعا نامہ لک بالقبول تدقیقات تمیزیہ اجر اسنه ابتدار اولندی .

اعلام مذکورک خلاصه مالی فضلہ عشر استیفا ایلدیکی ادعا اولتان صاور قریه سی ملتزمی علی چاوشک تحدید جزاسنه دائره بدایه لاحق اولان حکمک عندالاستیناف فسخیلہ سبق ایدن محاکمه وتدقیقات نتیجہ سنده قریه مذکورہ اعشار ملتزمی اسماعیل اغانک آدمی بولندیغی بیان ایدن علی چاوش مذکور قریه اھالیسنک بوستانلردن ایکی دفعہ عشر الدینی درجه ثبوتہ کوریلان مرقوم علی چاوشک قانون جزانک یوز سکننجی ماده سی حکمنہ توفیقاً آلتی آی مدتہ حبسنہ وفضلہ مأخوذاتک مقداری اکلاشلہ مادیغندن بوجہت حقندہ صحابک محکمه حقوقہ مراجعتہ مختاریتہ و فضلہ مأخوذاتک عدم ثبوتی حسابیلہ جزای نقدی حقندہ برشی دینلہ میہ جکنہ قرار ویرلدیکی متضمندر .

تمیز لایحہ لرندہ فضلہ عشر الدیغنک ثبوتی مقدار فضلہ نک بیلنمسنہ متوقف اولدیغی حالہ فضلہ نک مقداری ثابت اولقسزین محکومیت قرار ویرلمسی مغایر قانون ایدوکنندن بحثله اعلام استینافینک تقضی استدعا اولغش و تبلیغنامہ ده دخی مرقومک تعریف قانونی دائرہ سنده فعل مدعا بہہ مجاسرتنک ثبوتی طرح اولتان عشر مقدارندن فضلہ ویرکو اخذ ایتدیکنک تعین ایتسنہ وابستہ اولوب حالوکہ اعلام میز بہک قرار محلدہ بر طرفندن مرقومک فعل مذکورہ مجاسرتی رھین ثبوت اولدیغندن بحث اولندیغی حالہ دیگر طرفندن فضلہ مأخوذاتک نھدن عبارت اولدیغی اکلاشلہ مادیغی مسطور بولنش اولسنہ کورہ قید مذکور قانونینک تحقیقی ایچون لابد اولان فضلہ ویرکو اخذی کیفیتی دلیل مادیہ اقرارن ایتدیرلمکسزین اعطای حکم ایلدیکی نمایان بولنش اولدیغی کبی مرقوم علی چاوش اول و آخر صائش اوزرینہ النان ویرکونک ترلادن قاجیریلان مقدار اوزرینہ استیفا ایلدیکی و بنابرین ترلادہ قالان قسم ایچون آروجه عشر الدیغی بیان وافادہ ایدرک فضلہ عشر اخذی مادہ سنک ثبوتی ایچون کندوسنک قانوناً معین اولان مقدار فوقندہ مأخوذاتی اولدیغی جھتی حقندہ برکونا دلائل موجود اولمادیغی ادعا ایتسنہ قارشو فضلہ مأخوذات دینان شیک نھدن عبارت اولدیغی اسباب موجبہ بیانیلہ ذکر وارائہ اولغش اقتضایتدیکی حالہ محکمه جہ بوجھتک تعین ایتدیکی ذکر اولغله برابر فضلہ ویرکو اخذ وجبایتہ مخصوص اولان ماده قانونیہ مذکورہ نک تطبیقی جھتہ کیدلمسی مغایر قانون بولنش و مذکور لایحہ لرندہ درمیان اولتان اعتراضات ده بواعبارلہ وارد و بجا کورلمش اولغله اعلام میز بہک اسباب محررہ یہ بناءً تقضی طلب اولغشدر .

ایجاب کیفیت لدی المذاکرہ مندرجاتی بالادہ مرقم تبلیغنامہ ده درمیان ایدیان اسباب مندرجات اعلامہ نظراً وارد و مستلزم نقض احوالندن اولدیغندن اصول محاکمات جزائیہ قانوننک اوچوزاون دردنجی و اوچوز اون طقوزنجی مادہ لری منطوقجہ اعلام میز بہک اسباب محررہ یہ مبنی تقضیلہ احکام قانونیہ دائرہ سنده ایفای

معاملہ اولغش اوزرہ اوراق متعلقہ سنک محکمه مذکورہ یہ وتمیز جزای تقدیسی اولہرق محلی مال صندوقہ تودیع اولتان بش لیرانک اصول مذکورک اوچوز قرق اوچنجی مادہ سی موجبجہ مستدعیہ اعادہ سنہ وایکی یوز غروش اعلام خرجنک تعرفہ و تعلیمات مخصوصہ سنہ توفیقاً ایلرودہ حقسزجیہ جق طرفندن استیفا سنہ ۱۱ کانون اول ۳۳۰ تاریخندہ متفقاً قرار ویرلدی .

محکمہ تمیز استدعا دائرہ سنده صادر اولوب ۱۴ کانون اول سنہ ۳۳۰ تاریخندہ قرارہ ربط اولونانہ اعلام صوریہ در:

« قابلیت احتجاجیہ سی اولمایان تبلیغنامہ یہ استناد ایلہ اعتراض علی الحکمی کالم یکن عد ایتک مخالف قانوندر »

کوتاهیہ استیناف محکمه سی جزا دائرہ سندن تنظیم واعطا قلنان ۱۸ مارت ۱۳۳۰ تاریخ و بشیوزسکسان یدی نومرولی اعلامک تمیزاً تدقیقی مستدعی حسین زوجہ سی زینب خاتم طرفندن معطی استدعا نامہ ایلہ اوراق متفرعہ سی باش مدعی عمومیک مأموریت علیه سندن باتبلیغنامہ محکمه تمیز استدعا دائرہ سنہ تودیع اولونمش ولدی التدقیق مذکور استدعا نامہ نک مدت قانونیہ سی طرفندہ اعطا و شرائط لازمه سائرہ سنک دخی ایفا قلندیغی اکلاشلمش اولدیغندن بالقبول تدقیقات تمیزیہ اجر اسنه ابتدار اولندی .

اعلام مذکورک خلاصه مالی آفت خانمک اشیا سی سرقت ایتدیکی ادعاسیلہ مظنون علیہا اولان مستدعیہ زینب خانمک اوچ ماه حبسنہ و اشیا بدلی اولہرق تقدیر ایدیلان ایکی بیک یکر می درت غروشک تحصیلنہ دائر بدایه ویریلان حکمک تصدیقی متضمن اولان اعلام غیائی استینافی علیہندہ محکومه مزبورہ جانبندن معطی اعتراض علی الحکم استدعا نامہ سی اوزرینہ سبق ایدن محاکمہ ده معترضہ مزبورہ برنجی یوم محاکمہ ده حاضر بولنامسندن ناشی اصول محاکمات جزائیہ قانوننک یوز طقسانجی مادہ سی حکمنہ توفیقاً مذکور استدعا نامہ نک کالم یکن عدینہ قرار ویرلدیکی متضمندر .

لایحه تمیزیہ ده فعل سرقت طرفندن ایقاع ایلدیکی حقندہ برکونا دلیل و امارہ اولمادیغی حالہ خصومتی متعین برشاهد کاذبک شهادتنہ بناءً محکومیتی جھتہ کیدلمش اولسنک مغایرت قانونیہ سندن بحثله اعلام استینافینک تقضی استدعا اولغش و تبلیغنامہ ده دخی اعتراض استدعا نامہ سنک ردی ناطق قرارک مستند اولدیغی ۹ تشرین اول ۱۳۲۹ تاریخ و بشیوز قرق ایکی نومرولی جلبنامہ لدی التدقیق ظہرندہ قریہ مختارینک شرخندہ مزبورہ یہ تبلیغات اجرا قلندیغی مرقم ایسده مزبورہ نک امضا و مهرندن عاری کورلمش و بوتبلیغات اخر صورتلہ ده توثیق ایدلماش اولسنہ نظراً قانوناً اعتبارندن ساقط اولان اشبو جلبنامہ یہ توفیقاً مذکور استدعا نامہ نک ردی یولسز کورلمش اولدیغی بیانیلہ مذکور اعلامک تقضی طاب اولغشدر .

ایجاب کیفیت لدی المذاکرہ مستدعی تمیز زینبک سرقت مادہ سندن طولانی تمدید جزاسنه دائر بدایه

ویریلن حکمی مصدق اعلام غیابی استینافی علیهنده اعلا ایلدیکی اعتراض علی الحکم استدعانامه سی اوزرینه تعیین قلنان یوم محاکمهی ناطق ترقیم واملای قلوب زیرنده کی شرحه نظراً مزبورده نک ذاته تبلیغ قلدینی منظم اولان جلبنامه مزبوریه تخیم و امضا ایتدیرلیدیکی کبی یازی بیلمدیکی و یا خود امضادن امتناع وقوعی حالنده علی الاصول اجرایی مقتضی معاملات تصدیقه دن عاری بولنش اولسی حسیله تبلیغ واقعک مدار احتیاج اولهمیه جنی بدیدار ایکن محکمه استینافیه جه برموال محرر یولسر صورتده جریان ایدن تبلیغ مذ کوره استناداً سالف البیان اعتراض استدعانامه سنک کان لم یکن عدینه قرار ویرلسی تبلیغنامه ده بیان اولندیکی وجهله یولسر و معایر احکام قانون اولغله اصول محاکمات جزائییه قانوننک اوچیوز اون دردنجی و اوچیوز اون دردنجی و اوچیوز اون طقوزنجی ماده لری موجبجه اعلام میزبهک بوسیدن نقضیه احکام قانونیه دائره سنده ایفای معامله اولنق اوزره اوراق متعلقه سنک محکمه مذ کوره یه اعاده سنه و ایکی یوز غروش اعلام خرجنک تعرفه و تعلیمات مخصوصه توفیقاً ایلروده حقسز حقیقه حق طرفدن استیفاسنه ۱۴ کانون اول ۱۳۳۰ تاریخنده متفقاً قرار ویرلدی .

محکمہ تمیز استماع دائره سنده صادر اولوب ۱۸ ثانویه اول ۳۳۰ تاریخنده قراره ربط

اولنامه اعلام صورته .

« محاکم قرارلرینک استناد ایلدیکی قانون ماده لرینک فقرات حکمیه ده تصریحی و مرور زمان ادعایرینک ردی حالنده فعلک وقوعیه مرور زمانی قاطع معاملات تاریخلرینک ایضاحی مقتضی در . »

اسپارطه سنجانی بدایت محکمه سی جزا دائره سندن استینافاً تنظیم واعطا قلنان ۱۵ تشرین اول ۳۳۰ تاریخ و سکسان آلتی نومرولی اعلامک تمیزیخی مستدعی علی افندی طرفندن ویریلان استدعانامه ایله اوراق متفرعه سی باش مدعی عمومیلک مأموریت علیهنده سندن بتبلیغنامه محکمه تمیز استدعا دائره سنده تودیع اولنش ولدی التدقیق مذ کور استدعانامه نک مدت قانونیه سی ظرفده اعطا و شرائط لازمه سائرهنک دخی ایفا قلدینی اکلشلمش ایدوکنندن بالقبول تدقیقات تمیزییه اجراسنه ابتدار اولندی .

اعلام مذ کورک خلاصه مالی بلارخصت قطع ایدلش اولان معلوم المقدار کراسته یی تذکره سز اوله رق نقل وانشا ایتدیردیکی خانه صرف ایلدیکی ادعا اولنان مستدعی علی افندینک تحدید جزاسنه دائره بدایه لاحق اولان حکمک محکوم مومی الیه طرفندن استیناف اولنسی اوزرینه جرم مذ کورک ۱۰ تموز ۳۲۴ تاریخندن مقدم وقوعبولسنه مبنی قانون مخصوص احکامجه جزای نقدیه متعلق اولان دعوای مذ کوره حقدده معامله اجرایی قابل اولهمیه جفندن اورمان اداره سنک تضمیناته عائد برادعایی اولدینی حالده بدایت محکمه سنه

مراجعتده مختاریته دائر مقدما صادر اولان اعلام استینافینک تمیزاً نقض واعاده اولنسی اوزرینه نقض واقع بالاتباع حکم ابتدائینک فسخیه اولبایده اجرا قلنان محاکمه و تدقیقات نتیجه سنده ضبط ورقه سی واستدعا تاریخلرینه نظراً دعوانک استماعنه مانع اولان اوچ آیک مرورندن اول اورمان اداره سنک دعوی ایتدیکی نمایان اولسنه و بونک عکسده شهود ایله اثباتی جواز قانونیه مقرون بولنماسنه بناءً مرور زمان وشاهد اقامه سی حقدده کی اعتراضاتک ردینه و مظلون علیهنده علی افندینک معلوم المقدار کراسته لری بلارخصت وتذکره حقایق اوله رق نقل ایله انشا ایلدیکی خانه صرف ایتدیکی ثابت اولسنه و جرمک ۱۰ تموز ۳۲۴ تاریخندن مقدم وقوعبولسندن طولایی عفو قانونی موجبجه حقوق عمومیه دعوانسک سقوطی حقوق شخصیه نک ده سقوطی مستلزم اولهمیه جفنه بناءً مدعا به کراسته لری بدلی اولان طقوز یوز اون غروش ایله رسم نسبیسی بولنان ایکی یوز قرق درت غروش اونپارده نک بالتحصیل اورمان اداره سنه تسلیمه قرار ویرلیدیکی متضمندر .

لایحه تمیزییه ده متصرف اولدینی خانی برسنه اول اشترا ایلدیکی کراسته لرله انشا ایتدیردیکنه و بوسورتله دعواده مرور زمان وقوعبولش اولدیغنه دائر درمیان ایلدیکی مدافعاتنک نظر اعتباره التامسی مغایر قانون ایدوکنندن بخله اعلام اخیر استینافینک دخی نقضی استدعا اولنش و تبلیغنامه ده دخی لایحه تمیزییه ده تضمینی طلب اولنان اشجارک مقداری وقعی اورماندن قطع اولندیکی معلوم اولمادیکی کبی اورمان مأمورلری حضورنده آخرندن اشترا صورتیه اخذ و تصرف اولندیکی حالده بالتحقیق محکوم ایلدیکی بیانیله سرداولنان اعتراضاتک صورت جریان محاکمه یه واعلام میزبهک مستند اولدینی اسباب موجبیه نظراً نقض حکمی موجب کوریله مه مش اولدیغندن ردی طلب اولنمشدر . ایجابی لدی المذاکره اوراق موجوده مندرجاتندن مستبان اولدینی اوزره استیناف محکمه سنجه نقض سابقه اتباعاً اجرا قلنان محاکمه و تدقیقات نتیجه سنده ضبط ورقه سی واستدعا تاریخلرینه نظراً دعوانک استماعنه مانع اولان اوچ آی مدتک مرورندن مقدم اقامه ایلدیکی جهته مرور زمان وقوعنه متدائر ادعانک ردینه و مظلون علیهنده علی افندی یه عزو اولنان فعلک ۱۰ تموز ۳۲۴ تاریخندن مقدم وقوعی حسیله حقوق عمومیه جهتنک عفو قانونی حکمجه سقوطی حقوق شخصیه نک سقوطی مستلزم اولهمیه جفندن ضبط ورقه سنده جنس و ابعادی محرر کراسته لری بدلی اولان طقوز یوز اون غروش ایله رسم نسبیسی اولان ایکی یوز قرق درت غروش اون پاره نک و مصارف محاکمه نک مومی الیهدن تحصیله قرار ویرلش ایسه ده محاکم عدلیه دن صادر اولان قرارلرک مستند اولدینی مواد قانونیه نک فقرات حکمیه ده ارئه وتصریح قلمسی و مرور زمانه متعلق مدعیاتک ردی حالنده فعلک وقوعیه مرور زمانی قاطع معاملات تاریخلرینک تعیین و ایضاح اولنسی مقتضی بولنش ایکن دعوای حاضرده سالف الذکر اصول وقواعد رعایت اولنقسزین قرار اتخادی یولسر و مستلزم نقض اولدیغنه مبنی اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منطوقجه مذ کور اعلام اخیر استینافینک

دخی اسباب محرره دن ناشی نقضیه احکام قانونیه دائره سنده ایفای معامله اولمق اوزره اوراق متعلقه سنک محکمه مذکوره یه تمیز جزای تقدیمی اوله رق محلی مال صندوقه تودیع اولان بش لیرانک اصول مذکورک اوچیوز قرق اوچنجی ماده سی موجبجه مستدعی به اعاده سنه و ایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسز حقیقه جق طرفدن اخذینه ۱۸ کانون اول ۳۳۰ تاریخنده متفقاً قرار ویرلدی .

محکمہ تمیز جزا دائره سی مقرراتی

محکمہ تمیز جزا دائره سنده صادر اولده ۲۲ نیسانه ۱۳۳۱ تاریخلی و ۷۶۳ نومرولی اعلام صورنیر :

« ضبط ورقه سنده مندرج افاده ایله عندالحاکمه واقع اولان افاده بیننده کی بینونت سؤال وحل ایلمه مک مخالف قانوندر »

سیواس ولایتی استیناف محکمه سی جزا دائره سندن صادر اولان ۱۴ ربیع الآخر ۱۳۳۳ و ۱۶ شباط ۱۳۳۰ تاریخلی و ایکی یوز سکسان بش نومرولی اعلام ایله اوراق متفرعه سی باش مدعی عمومیک مأموریت علیه سندن ۲۹ جمادی الاول ۱۳۳۳ و ۱۹ نیسان ۱۳۳۱ تاریخلی و ایکی یوز طقسان نومرولی تبلیغنامه ایله ۴ نیسان ۱۳۳۱ تاریخنده محکمه تمیز جزا دائره سنه اعطا قلمشدر .

اعلام مذکورک خلاصه مآلی : یکی خان قصبه سنک ارمنی محله سندن بغوص اوغلی مغرک خانه سی دیواری دلهرک اشیاسی سرقت ایلمکلی ادعا قلمسندن دولای جنایتله اتهام اولنان قصبه مذکوره نیکلیس محله سندن زور ناجی قالوست اوغلی طاوید ولد عروطه و طولوچی اوغلی عراق زوجیه سی شوشانک و جاهاً اجرا قلنان محاکمه لری نتیجه سنده متهمان مرقوماندن طاویدک بروجه ادعا سرقت مذکوره یه مجاسرتی و شوشانک ده اولبالده فرعاً ذیمدخل اولدینی ثابت اولغله اولوجهله مجرمیتلرینه و مرقوماندن طاویدک قانون جزانک ایکی یوز یکرمنجی ماده سنه توفیقاً اوچ سنه و شوشانک دخی قانون مذکورک قرق بشنجی و مذکور ایکیوزیکرمنجی ماده لری احکامنه توفیقاً مجازات اصلیه نیک نلشک تزیلیله ایکی سنه مدتلره کورکه قوللرینه ۱۵ کانون اول ۱۳۳۰ تاریخنده حکم اولندیغندن عبارتدر .

تبلیغنامه ده دخی صورت جریان محاکمه سیله جهت تطبیق حقنده اعتراضه محل کوریه مدیکی بیانیله اعلام مذکورک تصدیق طلب اولمشدر .

اوراق دعوی مطالعه اولندقدن سوکره تدقیقات تمیزیه اجرا اولندقدن تبلیغنامه ده اعلامک تصدیق طلب اولنیور ایسه ده متهملردن داویدک فعل سرقت جرائی دیگر متهمه نیک کا عطف واسناد تهمت ایلمسندن

بشقه بردلیل و اخباره مقترن اولیوب متهم داوید عندالاستجواب زمان وقعه ده عسکر اولوب بریره کیتمدیکی سوبلیدیکی حالده بوجهت عائد اولدینی دائره دن تحقیق اولنماش و محکمه جهده مجرمیت قرارنده مرقومک سرقت ماده سندن دولای محکوماً محبوس بولمقدن فقط مکتب انشا آتنده استخدام ایلمکده ایکن انشا آتک تعطیل زماننده سربست اوله رق کزیدیکی واره صره خانه سنه کیتدیکی جهتهله اوچیوز اوتوز سنه سی اغستوسنک آلتنجی کونی بو فعل سرقتی ارتکاب ایلمش اولدینی حکایه ایلمکده ایسه ده بوجهتک دخی نه کی تحقیقاته مستند اولدینی کوسرلماش و مزبوره شوشانک ضبط ورقه سنده مندرج افاده سیله عندالحاکمه واقع اولان افاده سی بیننده کی مبیانت ده کندوسندن سؤال اولنه رق حل اولنماش و احوال مذکوره مخالف قانون و مستلزم نقض بولنش اولدیغندن اعلام مذکورک اصول محاکات جزائییه قانوننک اوچیوز اون دردنجی ماده سنه توفیقاً نقضه و احکام قانونیه دائره سنده ایفای معامله اولمق اوزره اوراقنک محله اعاده سنه و ایکی یوز غروش نقض خرجنک ایلروده حقسز حقیقه جق طرفدن تحصیلنه ۴ نیسان ۱۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولده ۲۲ نیسانه ۳۳۱ تاریخلی و ۷۶۴ نومرولی اعلام صورنیر :

« ذات ماده حقنده قطعیت احتوا ایتمین قراره قابل تمیز دکلددر . »

مملک قضاسی ژاندارمه قوماندانی قدری بکه بر لیرا رشوت ویرمک ماده سندن طولای جنایتله اتهام اولنان کملیکک متره پولید محله سندن سفر اوغلی استاودی اوغلی پاپاس علیکساندیروسک بالحا که ثابت اولان فعلی اخلال حق مقصدیه اولیه رق رشوت اعطاسندن عبارت کورلمش اولمقدن ناشی اولوجهله جنحه درجه سنده محکومیتنه دائره مقدما صادر اولان اعلام تمیزاً بالتدقیق قرار محلنده وکیل مدافعک مدافعانک مسکوت عنه براغلمش اولمسندن طولای نقض اولنه رق اوراقنک اعاده اولنسی اوزرینه جلبنامه ایله واقع اولان دعوته مرقومک اجابت ایتماسنه و نقض واقع اوزرینه محاکمه اجراسی ایچون اصول محاکات جزائییه قانوننک اوچ یوز قرق برنجی ماده سی موجبجه مرقومک موقوف اولسی و فراری اولدینی حالده مراسم مخصوصه نیک ایفاسی لازم کله چکنه کوره ماده مذکوره احکامنه توفیق معامله اولمق اوزره اوراق دعوانک مدعی عمومیکه تودیغنه دائره خداوندکار ولایتی استیناف محکمه سی جزا دائره سندن ۸ شباط ۱۳۳۰ تاریخنده اتخاذ اولنان قرارک تمیزاً تدقیق حقنده محکمه مذکوره مدعی عمومیک طرفندن معطی استدعانا مه ایله اوراق متفرعه سی باش مدعی عمومیک مأموریت علیه سندن جنحه فعلنک فاعلی اولمق اوزره مقدما محکومیتنه قرار ویرلمش اولان مرقوم علیکساندیروس حقنده کی اعلام مرقومک لهنه معطوف اولمق اوزره نقض ایلمش و بوداثره داخلنده اجرای محاکمه سی مقتضی اولان مرقومک حال اتهامنک عودتندن بجهت و تکرار تحت توقیفه آلمسنه محل قانونی اولمادینی درکار و سالف الذکر اوچیوز قرق برنجی ماده موجبجه متهمک

حال موقوفیت و محبوسیتده قلمسی مابه الاتهام اولان فعلک جنایت درجه سنده حکمه ربط ایدلمسی ایله مشروط اولدینی دخی ماده مذکورده نك تدقیق مندرجاتندن مستبان اوله رق بناء علیه ماده مذکورده نك بالنتیجه جنایت درجه سنده تقدیر اولونه بیلمسینه امکان قانونی اولمیان ونوع جرم جهندن متهمه برحق مکتسب بخش ایدن مقررات حقنده وارد اوله میه جنی اشکار ایسه ده قرار آنف الیان ذات ماده حقنده قطعیتی حاوی اولمادیغی جهته قابل تمیز مواددن اولیوب محکمه جه استدادی قابل صرف اعدادی مقرراتدن معدود بولنش اولدیغندن یحمله اولوجهله محتاجه ایجاب قانونیسی اجرا قلمق اوزره استدعای مذکورک ردی طلبی حاوی ۲۷ جادی الاول ۱۳۳۳ و ۳۰ مارت ۳۳۱ تاریخی و ایکوز یتش الی نومرولی تبلیغنامه ایله ۱ نیشان ۱۳۳۱ تاریخده محکمه تمیز جزا دائره سنده اعطا قلمش اولغله بالمطالعہ مذکور تمیز استدعای نامه سنک مدت قانونیه سی ظرفنده ویرلدیکی آکلاشلش ایسه ده تبلیغنامه ده بروجہ محرر درمیان اولنان مطالعات تمامیه وارد ومصیب کورلش و تمیز به اولان قرار مذکور قابل تمیز مقررات قطعیه دن غیر معدود بولنش اولغله مذکور تمیز استدعاسنک بر موجب طلب ردینه ۱ نیشان ۳۳۱ تاریخده اکثریتله قرار ویرلدی.

محکمہ تمیز جزا دائره سنده صادر اوله ۲۲ نیشان ۱۳۳۱ تاریخی ۷۶۵ نومرولی اعلام صورتیدر :

«درونده سرقت ایقاع ایدیلن دولابک، ماشه ایله آچیلش اولسنه کوره، کلیدینک شوصه رتله فکندن صوکر تکرار ناصیل کلیدلش بولندینک و مذکور دولابک تعریف قانونی دائره سنده مقفل دولابر دن معدود اولوب ایلادیغنک تدقیق ایدلمه سی مخالف قانوندر»

در سعادت جنایت محکمه سندن صادر اولان ۶ جادی اول ۱۳۳۳ و ۹ مارت ۱۳۳۱ تاریخی و بش نومرولی اعلام ایله اوراق متفرعه سی باش مدعی عمومیک مأموریت علیه سندن ۲۷ جادی اول ۱۳۳۳ و ۳۰ مارت ۱۳۳۱ تاریخی و ۲۸۵ نومرولو تبلیغنامه ایله ۲ نیشان ۳۳۱ تاریخده محکمه تمیز جزا دائره سنده اعطا قلمشدر .

اعلام مذکورک خلاصه مالی اوچیوز اتوز سنه سی کانون تانیسنک اون بشنجی کونی بشکطاشده کوی ایچنده نیقونک آپارتماننده ساکن عسکری جراحلغندن متقاعد علی رضا افندینک اوطه سی طولابنک کلیدی ماشایله بالتضیق آچهرق بر عدد روولور و طقوز عدد نشانلری اخذ و سرقت ایلدیکی ادعا قلمسندن دولای جنایتله اتهام اولنان مذکور آپارتمانده مقیم پیاده کوچک ضابط مکتبندن مخرج طرابلس غربلی فوزی افندی بن علی موسانک اجرا قلنان محاکمه علیه سی نتیجه سنده متهم مرقومک آلت مخصوصه استعمالیه سرقت مذکوره جرأتی ثابت اولدیغندن مجرمیت و قانون جرآنک ایکوز یکرمنجی و حین ایقاع جرمدہ اون سکر یاشی اکیال ایتدیکی جهته قرقچی ماده لرینه توفیقاً تقدیر ایدیلان اوچ سنه کورک جزاسنک نصفی اولان بریق سنه مدته حبسنه ۹ مارت ۱۳۳۱ تاریخده حکم اولدیغندن عبارتدر .

تبلیغنامه ده دخی صورت جریان محاکمه سیله جهت تطبیق حقنده اعتراضه محل کوریه میان اعلامک تصدیق طلب اولمشدر .

اوراق دعوی بعدالمطالعہ تدقیقات تمیزیه اجرا اولندقدہ هر نه قدر تبلیغنامه ده اعلام مذکورک تصدیق طلب اولیور ایسه ده دروندن سرقت وقوعبولان دولابک ماشه ایله تضیق ایدلمک صورتیه آچیلش اولدینی بیان اولنسنه نظراً اشبو دولابک قانونک مقصودی اولان مقفل دولابر دن معدود اولوب اولمادیغی و مشتکینک دروندن سرقت وقوعبولان دولابی کلیدی بولدیغی و حتی زورجه اچش اولدیغی بیان ایتش اولسنه کورده ده مذکور دولابک کشف ورقه سنده کوسترلدیکی وجه ایله ماشه ایله اچلش ایسه بعدالسرقه تکرار نه صورتله کلیدلش بولندیی جهت لرینک تحقیق و تدقیق لازم کلورکن جهات مذکورده نك نظر اعتنایه النامسی مغایر قانون و نقض حکمی مستلزم احوال دن بولنش اولدیغندن اعلام مذکورک اصول محاکمات جزائیہ قانوننک اوچیوز اون دردنجی ماده سنه توفیقاً نقضه و احکام قانونیه دائره سنده ایقاع معاملہ اولنق اوزره اوراقنک محکمه سنه اعاده سنه و ایکی یوز غروش اعلام خرچنک ایلروده حقسنر چیقہ حق طرفدن تحصیلنه ۲ نیشان ۳۳۱ تاریخده اکثریتله قرار ویرلدی .

محکمہ تمیز جزا دائره سنده صادر اوله ۲۳ نیشان ۱۳۳۱ تاریخی ۷۷۵ نومرولی اعلام صورتیدر .

«فعل قتالک صورت و سبب وقوعنک لایقابه تدقیق و تعیین ایدلمه سی مخالف قانوندر»

ایدین سنجانی بدایت محکمه سی جزا دائره سندن تنظیم واعطا قلنان ۱۸ محرم ۳۳۳ و ۲۴ تشرین ثانی ۳۳۰ تاریخی و یوزسکسان یدی نومرولی اعلام ایله اوراق متفرعه سی باش مدعی عمومیک مأموریت علیه سندن ۲ جادی الاخره ۳۳۳ و ۴ نیشان ۳۳۱ تاریخی و اوچیوز طقوز نومرولی تبلیغنامه ایله ۶ نیشان ۳۳۱ تاریخده محکمه تمیز جزا دائره سنده تودیع ایدلمسکه مطالعه قلندی .

اعلام مذکورک خلاصه مالی اینه آباد ناحیه سنک خضر بکلی قریه سندن قوجه چاقر حسین قتل ایلدیکی ادعا قلمسندن دولای جنایتله اتهام اولنان قریه مذکورده الی قولاج اوغلی نوری بن حسینک اجرا قلنان محاکمه سی نتیجه سنده متهم مرقومک من غیر تعمد فعل قتله جرأتی ثابت اولدیغندن مجرمیت و حرکته تطابق ایدن قانون جرآنک یوزیتش دردنجی و حین ایقاع جرمدہ اون سکر یاشی اکیال ایتدیکی جهته قرقچی ماده لرینه توفیقاً مستحق اولدینی اون بش سنه کورک جزاسنک نصفی اولان یدی یچق سنه مدته حبسنه ۱۷ تشرین ثانی ۳۳۰ تاریخده حکم اولدیغندن عبارتدر .

تبلیغنامه ده دخی صورت جریان محاکمه سیله جهت تطبیق حقنده اعتراضه محل کوریه میان اعلام مذکورک تصدیق طلب اولمشدر .

تدقیقات تمیزیه اجرا اولندقدہ تبلیغنامہ ده اعلامک تصدیق طلب اولنقدہ ایسه ده حقوق عمومیہ شہودندن
مین بن مصطفیٰ عندالحاکمہ محل وقوعہ بر رولورلہ بری مقتولہ ودیکری متہمہ عائد ایکی بیجاق واستنطاقاً
ایسہ بر غلافہ متہمہ عائد بر بیجاق بولندیغنی بیان وافادہ ایش وشو صورتلہ مرقومک افاداتی بینندہ مبانیت
حاصل اولمش ایکن اشبو مبانیتک حل وتدقیقلہ حقیقت حالہ مقتلہ ایکی بیجاق بولنوب بولندیغنی جهت
مہمہ سنک تعین وتبینی لزومہ رعایت ایدلماش وتعرض واقع اوزرینہ قوللرندن بیجاقلہ اورولدیغنی متہم
طرفندن بیان وادعا اولنسنہ نظراً مرقومک معاینہ ایتدیریلوب حقندہ راپور استحصالی اقتضا ایدرکن بو
جهتندن دہ ذہول ایدلماش وفعل قتلک صورت وسبب وقوعی لایقلہ تدقیق وتعین ایدلماش وفعل مذکورک
مدافعہ وقوعی حقندہ کی بیاناتک ایسہ اسباب ردیہ کافیہ سی اتیان وتوضیح قلمماش واحوال مذکورہ مخالف
قانون وتقص حکمی مستلزم بولنش اولدیغندن اصول محاکمات جزائیہ قانوننک اوچوزاون دردنجی مادہ سنہ
توفیقاً اعلام مذکورک تفضیلہ احکام قانونیہ دائرہ سنندہ ایفای معاملہ اولنقی اوزرہ اوراقلک محلنہ اعادہ سنہ
وایکی یوز غروش اعلام خرجنک ایلرودہ حقسنر چیقہ حق طرفدن تحصیلنہ ۶ نیسان ۳۳۱ تاریخندہ متفقاً
قرار ویرلدی .

حکمہ تمیز جزا دائرہ سنندہ صادر اولارہ ۲۳ نیسانہ ۱۳۳۱ تاریخلی ۷۸۵ نومرولی اعلام صورئیدر :

« تحقیقات ناقصہ مستنداً منعم محاکمہ قرارینک اعطاسی مخالف قانوندر »

خداوندکار ولایتی ہیئت اتہامیہ سندن صادر اولان ۴ شباط ۳۳۰ تاریخلی مضبطہ نک تمیزاً تدقیق حقندہ
ولایت مذکورہ استیناف مدعی عمومیلکندن معطی استدعانامہ ولایت تمیزیه ایلہ اوراق سائرہ دعوی باش
مدعی عمومیلک مأموریت علیہ سندن ۲۹ ربیع الآخر ۳۳۳ و ۳ مارت ۳۳۱ تاریخلی واون اوچ نومرولی
تبلیغنامہ ایلہ ۵ مارت ۳۳۱ تاریخندہ محکمہ تمیز جزا دائرہ سنہ اعطای قلمش ومذکور استدعانامہ نک مدت
قانونیہ سی ظرفندہ ویرلدیکی لدی التدقیق آکلاشلمش اولغلہ بالقبول مطالعہ اولندی .

مضبطہ مذکورہ نک مالی اسحق شاه محلہ سندن اوخانس اوغلی آشچی اووا کیمک خانہ سی دیوارینی دلہرک
اشیاسنی سرقت ایتدیککی ادعاسیلہ مظنون علیہ اولان شعبان محلہ سنندہ مقیم جنکیلرلی مغیر اوغلی مغردیچ ولد
طوروسک جنایتلہ لزوم محاکمہ سنہ دائر اتخاذاولنان مستنطق قرارنامہ سی اوزرینہ اجرا قلنان تدقیقات
اتہامیہ نتیجہ سنندہ مظنون علیہ مرقومک کندی خانہ سنک دیوارینی دلہ سندن طولایی ہمیشیرہ سنہ نامزد
بولنان شخصک مشتکی صفتی اکتساب ایدہ میہ جکی کی بحث ایدیلان سرقت مسئلہ سی دہ ایکوز اون التنجی
مادہ قانونیہ موجبہ مستلزم جزا اولہ میہ جفندن مذکور مستنطق قرارنامہ سینک فسخیلہ مرقومک منع
محاکمہ سنہ ۴ شباط ۳۳۰ تاریخندہ قرار ویرلدیکندن عبارتدر .

لایحہ تمیزدہ دیوار دلمک صورتیلہ ایقاع اولندیغنی درمیان اولنان فعل سرقتک صورت جبریہ دہ وقوعہ کلدیکی
تحقق ایش اولسنہ وتحصل ایدن دلائلک وسرقت موصوفیہ دائر اولان جبرک وقوع وعدم وقوعنک
تعین وتقدری ومحاکمہ جبرک عدم تحقیق حالندہ سرقت عادینک وقوعی تقدیرندہ مدار عدم مسئولیت
اولہ بیلہ جک قرابتک وجود وعدمنک تدقیق وتحقیقلہ برقرار قانونیہ ربطی محکمہ جنایتک جملہ وظائفندن
ایکن ہیئت اتہامیہ جہ تجاوز صلاحیت صورتیلہ قانوناً وجودی مقتضی اولمادیغنی حالہ اووا کیمک شکایتنامہ
شخصیہ سی اولماسندن ومتحقق اولیان قرابت موہومہ دن بحثلہ برمنوال محرر عدم مسئولیت قراری اتخاذا
وسرقت جبریہ نک مسکوت عنہ بر اقامش اولسی مخالف قانون اولدیغندن بحثلہ مضبطہ مذکورہ نک نقضی استدعا
اولنشددر .

تدقیقات تمیزیه اجرا اولندقدہ دیواری دلین خانہ مظنون مرقومک تحت تصرفندہ اولدیغندن وبحت
اولنان سرقت مسئلہ سیدہ ایکوز اون التنجی مادہ موجبہ مستلزم جزا اولہ میہ جفندن بحثلہ اتخاذاولنان
منع محاکمہ قرارینہ قارشولایحہ تمیزدہ دیوار دلمک صورتیلہ ایقاع اولنان اشبوسرقتدہ سرقت موصوفیہ دائر
اولان جبرک وقوع وعدم وقوعنک تعین وتقدری محکمہ نک جملہ صلاحیت وظائفندن ایدوکی حقندہ
سرداولنان اعتراض دعوی حاضرہ دہ ہیئت اتہامیہ جہ درمیان ایدیلان اسباب موجبہ تقدیرہ متعلق اولیوب
مسائل قانونیہ دن معدود وحکم قانونہ موافق بولنسنہ نظراً غیروارد ایسہ دہ چالینان حایلیر متہمک والدہ سنک
مالی اولدیغنی تحقیق ایتدیککی تقدیردہ مظنون علیہ مرقوم مغردیجہ مسئولیت جزائیہ نک توجہ ایتماسی کندوسنک
بویابدہ اعتیادی اولدیغنک ومال مأخوذ استہلاک اولنش اولدیغنی حالہ تضمیننہ مقتدر اولمادیغنک تحقیق ایش
اولسیلہ مشروط بولنسنہ ومذکور حولیلرک مرقومک همیشیرہ ویانامزدینہ عائد اولدیغنی حالہ فعل مذکورینک
قانوناً مستلزم مجازات اولہ جفی درکار بولنش اولسنہ مبنی بوجہتک لایقی وجہلہ تحقیق وتدقیقلہ حاصل
اولہ جق نتیجہ کورہ اتخاذا قرار اولنسی لازمکلیر ایکن شولزوم قانونیہ رعایت اولنہ رقی تحقیقات ناقصہ یہ
مستنداً برمنوال محرر منع محکمہ قراری اعطاسی مخالف قانون وبوجہتکری متضمن اولان تبلیغنامہ ومحتویاتی
وارد وبجا اولغلہ اصول محاکمات جزائیہ قانوننک اوچوز اون دردنجی مادہ سنہ توفیقاً مضبطہ مذکورہ نک
تقضہ واحکام قانونیہ دائرہ سنندہ ایفای معاملہ اولنقی اوزرہ اوراقلک محلنہ اعادہ سنہ ۷ مارت ۳۳۱ تاریخندہ
متفقاً قرار ویرلدی .

حکمہ تمیز جزا دائرہ سنندہ صادر اولارہ ۲۳ نیسانہ ۱۳۳۱ تاریخلی ۷۸۹ نومرولی اعلام صورئیدر :

« قرار مجرمیندہ اسباب ثبوتیہ کافیہ کوسترلہ سی مخالف قانوندر »

قیرشهری سنجاغی بدایت محکمہ سی جزا دائرہ سندن تنظیم واعطای قلنان ۲۳ ربیع الاول ۳۳۰ و ۲۶ کانون ثانی

۳۳۰ تاریخلی وایکی یوز قرق درت نومرولی اعلام ایله اوراق متفرعسی باش مدعی عمومیک مأموریت علیه سندن ۸ جمادی الاول ۳۳۳ ایله ۱۱ مارت ۳۳۱ تاریخ و ۱۲۱ نومرولو تبلیغنامه ایله ۱۲ مارت ۳۳۱ تاریخده محکمه تمیز جزا دائره سنه تودیع ایدلکه مطالعه قلندی .

اعلام مذکورک خلاصه مالی اوچیوز یکریمی سکر سمنسی شباطنک یکریمی النجی کونی قوری کوی قریه سندن محمد اوغلی عسکر قدیری اخناق قتل ایدلکری ادعا قلنم سندن دولای جنایتله اتهام اولنان حسن دده قریه سندن محمود اوغلی خضر وحیدر افندی اوغلی جمال وعلی اونباشی اوغلی یوسفک محکومیتلرینه دائر مقدما ویریلان اعلام عندالتمیز نقض ایله اعاده قلمسی اوزرینه اخیراً اجرا قلنان محاکم لری نتیجه سنده متهمون مرقوموندن جالک وقوع وفاتی حسیله حقنده کی حقوق عمومیه دعواسنک سقوطنه وحضرتک متوفی جمال ایله مشترکاً قدیرک بوغازینی ایله صیقرق قتل واوزرنده بولنان سکر مجیدیه سنی اخذه جرأتی ثابت اولدیغندن اولوجهله مجرمیتله وقانون جزانک یوز یتیش دردنجی ویوز سکسانجی ماده لرینه توفیقاً مستحق اولدیغی اون بش سنه کورک جزاسنک نصفی اولان یدی یحق سنه مدته کورکه قولنسنه ویوسفک برائتله ۲۶ کانون ثانی ۳۳۰ تاریخده حکم ارلندیغندن عبارتدر .

تبلیغنامه ده دخی اطبای خصوصیه دن هارطبونه و اجرای طبابتله مشغول اهل وقوفدن دیمترکی افندیلر طرفندن ویریلان راپورلر متوفانک فقرالدم وذات الرئه نتیجه سنده اجلیه وفات ایدوت اخناق ایدلیدیکی بیلدیرلمش اولسنه کوره مذکور راپورلرک صحت مندرجاتی ایله طیب افندیلرک شهادتنامه لی اولوب اولمدقلرنده تردد ایدلیدیکی تقدیرده کیفیتک هیئت صحیه دن استعلامی مقتضی وفه تعلق ایدن مسائلک ماهیتنی تعلیلده هیئت حاکمه نک حائر صلاحیت اوله میه جنی بدیهی بولنش ایکن شوقاعده اساسیه خلاقه اوله رق امارات قانونیه یه قارشو دلائل مذکوره فیه نک حائر تأثیر اوله میه جفندن و مرقوم قدیرک مخوقاً وفات ایتدیکنده و متهملر طرفندن اخناق ایدلیدیکنک اسباب ثبوتیه کافیه سنک کوسترلامسندن ناشی وقوع بولان نقض اوزرینه محکمه محلیه جه محررالاسامی حقوق عمومیه شهودینک محاکمه ویوزغادلی یوسف ورفقاسنک نیابة درجات اوزرینه وقوع بولان اخبارلرندن متحصل نتایج تبعاً مرقومک برای تبدیل آب و هوا مملکته کلکده ایکن قیصق نام محله ترک حیات ایتیش و بوغازی ایپ والری اوچقوریله باغلانمش برحاله کورلسنه و متوفانک انشای اخناقده تضییقات واقعیه دایانه میهرق اولتری اللریله یوله رق النده اوت دمتلری اولدیغی ویوزندن ده خفیفجه قان امقده بولندیغنک مشهود اولسنه و فاعللرینک تحریسی صره سنده مقتله پک قریب بر موقعده سکود دالی کسمکه مشغول اولدقلری کوریلان متهم حضر و متوفی جمال دن کیفیت وفات ژاندارمه لر طرفندن سؤال اولنسی اوزرینه بولنردن حضرتک همان کندیسنی قزل ایرمه القا و جمالک ایسه سکر مجیدیه ایچون آدم اولدیلمسنه بن راضی دکلم دیه رک اقرار جرم ایله برابر کذلک کندوسنی نهره القا ایتسنه و متوفانک یاننده جمالک فسی وحضرتک طهره سی بولنسنک جمله اخباردن اولسنه نظراً مرقومانک بالاشتراک مرقومی اخناق ایتدکلری نمایان

اولمقده بولندیغندن واستحصال اولنان راپورلر مندرجاتی صورت جریان وقعیه والده ایدیلان دلائل واماره وشهاداته کوره مرقومک اجلیه وفاتی قبول ایدیله میه جکندن وسائر دن بحثله اسباب موجهیه مستنداً اعطا اولنان قرار موافق قانون بولنش اولدیغندن بحثله اعلامک تصدیقی طلب اولنمشدر .

حکم جنایتدن دولای تدقیقات تمیزیه اجرا اولندقه کرجه تبلیغنامه ده بوجه محرر اعلامک تصدیقی طلب اولنمقده ایسه ده محاکمه اخیرده نقض واقعه بالاتباع طیب راپورلری اوزرینه تحقیقات لازمه اجرا ایدیلرک مذکور راپورلرک موافق فن واحتجاجه صالح اولدیغی اکلاشلمش اولوب شو حالده قدیرک مخوقاً وفات ایتدیکی و مرقومک بالذات متهملر طرفندن اخناق ایدلیدیکی حقنده تعمیق تدقیقاتله نتیجه حاصله بنای حکم ایدلک مقتضی ایکن قرار مجرمیتله یه اسباب ثبوتیه کافیه کوسترلامش بولنسی مخالف قانون اولدیغندن اصول محاکمات جزائیه قانوننک اوچیوز اون دردنجی ماده سنه توفیقاً حکم اخیر مذکورک دخی نقضیه احکام قانونیه دائره سنده ایفای معامله اولنق اوزره اوراقنک محله اعاده سنه وایکی یوز غروش اعلام خرجنک ایلروده حقسنر حقیقه جق طرفدن تحصیلنه ۱۴ مارت ۳۳۱ تاریخده اکثریتله قرار ویرلیدی .

حکم تمیز جزا دائره سنده صادر اولنه ۲۳ نیسانه ۳۳۱ تاریخلی و ۷۹۲ نومرولی اعلام صورته یبر :

« متهملردن هر برینک ، قتلی انتاج ایدن منازعه یه اشتراک لری کوستیرر دلائلک بالاطراف بیان وتوضیح ایدله می مخالف قانوندر »

خراسان لوا بدایت محکمه سی جزا دائره سندن تنظیم و اعطا قلنان اولنان ۲۸ ربیع الاول ۱۳۳۳ ۳۱ کانون ثانی ۱۳۳۰ تاریخلی و او بر نومرولی اعلام ایله متفرعاتی باش مدعی عمومیک مأموریت علیه سنک ۱۵ جمادی اول ۱۳۳۳ ۱۸ مارت ۱۳۳۱ تاریخلی ویوز سکسان سکر نومرولی تبلیغنامه سیله ۲۱ مارت ۱۳۳۱ تاریخده محکمه تمیز جزا دائره سنه اعطا قلنمشدر .

اعلام مذکورک خلاصه مالی پولیس قومیسر معاونی عبدالوهاب افندیکنک کیفیت قتلدن دولای جنایتله اتهام اولنان خراسانک سرای محله سی اها لیسندن محمود الفاعور اوغللری عبدالحمد و جمیل و عباس اوغلی احمد و خلیل الفری اوغلی ابراهیم و عجرش اوغلی خلف حقلرنده جریان ایدن محاکمه نتیجه سنده متهمون مرقوموندن عبدالحمد و احمد و ابراهیمک فاعل مستقل تعین ایدله میه جک صورتده مشترکاً ومن غیر تعمید فعل قتل مذکوره جرأتلری ثابت اولدیغندن مجرمیتلرینه و حرکتلرینه توافق ایدن قانون جزانک یوز یتیش دردنجی ویوز سکسانجی ماده لرینه توفیقاً مستحق اولدقلری اون بشر سنه کورک جزاسنک نصفی اولان یدیشر یحق سنه مدته کورکه قوللرینه و جمیل ایله خلفک برائتله ۲۶ تشرین ثانی ۱۳۳۰ تاریخده حکم اولندیغنی محتویدر .

تبلیغنامه ده دخی متهمون مرقومون حقنده تحصیل ایدن دلائل دن بریده مقتولک زوجه سنک تشخیص کیفیت

اولوب مزبوره ايسه كيجه لين ايشيتديكي سلاح سسلري اوزرينه طيشارويه چيقدينغه بعض اشخاصك قاقچده ايدوكنى سويلش ووكيل مدافع ايسه حادثه نك وقوعه كلديكي زوقاقت كافي درجه ده ضيادار اولمامسنة ومزبوره نك اساساً مهمملر ايله معارفه سي بولمامسنة نظراً تشخيص اشخاصك مادة امكانسز لكسندن بحث ايلش اولديني حالده بو جهت حقنده تدقيقات لازمه ايضا اولنماش ومهمملردن هر برينك منازعه يه بالفعل اشتراك ايتدكلرينه متدائر اسباب ثبوتيه بالاطراف قرار مجرमितده كوسترلماش وعبدالحميدك برادرينك اوندن بولنان انتاريدكي لكلك انسان قانى اولوب اولماديني اكلاشلمق اوزره كيفيتك هيئت صخيه لزوم حواله سي اولبابده كي طيب راپورنده مسطور بولنش ايكن شولزوم فني دائره سنده ده ايفاي معامله اولنماش اولمى مخالف قانون اولديني بيانيله اعلام مذكورك قضى طلب اولنمشدر .

اوراق دعوى بعدالمطالعه حكم جنائى حقنده تدقيقات تميزيه اجرا قلندقده سبب حكم اتخاذ اولنان دلائلك باشلوجه سي زوجه مقتولك ادعا وتشخيص اولوب حالوكه مزبوره مهمملرك جمله سنى تعين وتشخيص ايلش اولديني حالده ايجارندن خلف وجميك اسباب موجه درميانيه براتلرينه قرار ويرلمش وشو صورته مدعيه نك افاده سي معلل قانش ايكن بو جهتك نظر مطالعه يه التامسي و عبدالحميدك خانه سندن چيقاريلان وتحليلي اجرا قلنميان قانلي انتارينك قتلك لااقل ايكي مترو مسافدن آتيلان قورشونله وقوعه كيسنه نظراً نهدن دولاي اشبو قتلك اسباب ودلائلندن عد ايدلديكنك قرارمحنده كوسترلماشى وزوقاقت طار وقراكلق اولوب تشخيصك مادة امكانسز لني حقنده كي مدافعات اوزرينه بوبابده كي تدقيقاتك تعميق ايدلماشى ومهمملردن هر برينك قتلى انتاج ايدن منازعه يه اشتراك لرينى كوسترر دلائلك بالاطراف بيان وتوضيح اولنماشى موجب نقض نواقص قانونيه دن اولوب تبليغنامه مندرجاتى بو طريقه وارد وبجا كورلمش اولغله اصول محاكمات جزائيه قانونك اوچيوز اون دردنجي ماده سي احكامنه توفيقاً حكم مذكورك نقضه واحكام قانونيه دائره سنده ايفاي معامله اولنق اوزره اوراقتك محله اعاده سنه وايكوز غروش نقض خرجك ايلروده حقسز چيچه جق طرفدن تحصيله ٢٣ مارت ١٣٣١ تاريخنده متفقاً قرار ويرلدى .

حكمة تميز جزا دائره سنده صادر اولده ٢٣ نيسان سنه ٣٣١ تاريخى و ٧٩٨ نومرولو اعلام صورتيده .

« ناحيه مديريله ژاندارمه نك ضابطه عدليه لرينه متعلق وظيفه لرني حين ايفاده مرتكب اولدقلى احوالك تحقيقاتي جهت عدليه عائد و حقلرنده جنايتله لزوم محاكمه قرارينك اعطاسنه مستنطقلك صلاحيتدار اولدوغندن هيئت اتهاميه جه بو قرارك فسخي مخالف اصول وقانوندر . »

عدليه نظارت جليله سنك ١٧ صفر ١٣٣٣ و ٢٢ كانون اول ٣٣٠ تاريخى وايكي يوز سكسان ايكي نومرولى امر تحريسنه عطقاً باش مدعى عموميك مأموريت عليه سندن ٢٨ ربيع الاول ١٣٣٣ و ٣١ كانون ثانى ٣٣٠

تاريخى ودرت بيك بشيوز اوتوز درت نومرولى تبليغنامه اوراق متفرعه سيله معاً ٦ نيسان ٣٣١ تاريخنده حكمة تميز جزا دائره سنه اعطا قلنمشدر .

مذكور تبليغنامه ده اشخاص متعددي خلاف اصول وقانون حبس توقيف ايتدكلرى ادعاسيله مظنون عليه سلطان حصارى ناحيه سي مديرى رفعت افنديله ژاندارمه افرادندن سليمان اونباشى حقلرنده آيدن ولايتي هيئت اتهاميه سندن صادر اولوب ولايت مذكوره استيناف مدعى عموميكسندن مرسل اوراق تحقيقيه وهيئت اتهاميه مضبطه سيله تفرعاتى مألرينه نظراً مومى اليهمادن مدير رفعت افنديك مابه المظنونيتي اولان احوال دكر منجى مانول ورفقاسنى عشرت ايتدكلرى بهانه سيله تواريح مختلفه دائره حكومه جلب ايله حبس وژاندارمه لره ضرب ايتديرمى وكذلك قره سنان نام شخصى ضرب وخانه سنى تحري ايله فرارده بولنان اوغانى بولمق اوزره والده سنى قريه نك قهوه خانه سنه جلبه اليقويمسى وانتقال شهادتنامه لرى ايجون قسطى نام شخصدن ايكي وخايم باسريانودن درت وخانه سي باصيلوب اچمى غصب وكندومى جرح ايديلان قره جه صولو عيلدن خر جراه ناميله اوچ مجيديه وتزوج مسئله سندن يوروك عاشق مخدومندن برليرا اوچ مجيديه اخذ ونقض صيام وسرخوشلق ماده سندن مظنون اولان اشخاصدن جزاي نقدي ناميله بلاحكم پاره اخذيله بهر شخص نامه بلديه صندوغنه يكرميشر غروش تسليميله متباقيسنى يدكتمنه كچيرمى وژاندارمه اونباشيسى سليمانك دخى مدير مومى اليهك اشخاص مرقومه دن خلاف قانون الدينى خر جراه وجزاي تقديلى تحصيل ايتسى خصوصاته منحصر اولوب نازلى قضاسى بدايت محكمه سي مستنطقلكسجه اجرا قلنان تحقيقات نتيجه سنده مومى اليهمانك افعال مذكوره يه اجتسارلرى عندالتحقيقات اكلاشديغندن هرايكيسنك جنايتله لزوم محاكمه لرينه متدائر اتخاذ اولنان قرارك ولايت مذكوره هيئت اتهاميه سنجه بالتدقيق افعال مذكوره نك بولنلردن مدير رفعت افنديك وظيفه ملكيه سندن منبعث اولسنة مبنى مأمورن محاكمته متدائر اولان قانون موقت احكامنه توفيقاً اجراى تحقيقات اولنهرق هيئت مخصوصه سنجه لزوم محاكمه سنه قرار ويرلماش اولديغندن وسليمان اونباشى حقنده كي تحقيقات ايسه مدير مومى اليه حقنده ياپيله جق تحقيقاته تابع بولنديغندن بخشله مذكور لزوم محاكمه قرارينك فسخيله قانون مذكور حكمه توفيق معامله اولنق اوزره اوراقتك محله اعاده سنه قرارويريله رك طريق قانونيسنه مراجعت ايدلمامسندن ناشى اكتساب قطعيت ايلديكي منفيهم اولمش وتدقيقات واقعه يه واصول محاكمات جزائيه قانونك اون ايكنجى ماده سنده كي صراحتة نظراً ضابطه عدليه دن معدود اولان مدير مومى اليه رفعت افنديله ژاندارمه سليمان اونباشينك نقض صيام وسرخوشلق جرم لرينك تعقيبى و جرائم فاعل لرينك تحريسي كي صرف ضابطه عدليه يه متعلق وظائفك حين اجراسنده مرتكب اولدقلى احوال مسروده وظيفه عدليه لرندن متولد اولمق طولاي سيله بوبابده حقلرنده تحقيقات اجراسى جهت عدليه عائد ومرقومانك جنايتله لزوم محاكمه لرينه دائر مذكور مستنطقلكسجه اتخاذ اولنان قرار شو اعتبارله موافق اصول وقانون بولنمشيكن هيئت اتهاميه جه مذكور قرارنامه نك بوجه محرر فسخته قرار

ویرلمسی یولسز و مخالف اصول و قانون بولنش اولدیغندن کسب قطعیتم ایدن سالف الذکر هیئت اتهامیه مضبطه سنک نقضی لزومی اخبار اولمشدر.

اوراق دعوی بعدالمطالعه تدقیقات تمیزیه اجرا اولندقده نظارت مشار الیهانک امرتحریریسنه عطفاً تبلیغنامه ده بروجیه محرر درمیان اولسان اعتراض اولباده کی اوراق تحقیقیه مندرجاتنه نظراً وارد و بجا کوردلیکندن اصول محاکات جزائییه قانوننک اوچ یوز قرق یدنجی ماده سنه توفیقاً مضبطه مذکوره نک نقضه ۷ نیسان ۳۳۱ تاریخنده متفقاً قرار ویرلدی.

محکمہ تمیز جزا دائره سنده صادر اولوب ۲۳ نیسانه سنه ۳۳۱ تاریخلی و ۷۹۹ نومرولی اعلام صورتیر :

« جرمک تاریخ وقوعه نظراً متهمک عفو قانونندن استفاده سی امکانی نظره آلتماق مخالف قانوندر »

ادرنه ولایتی مرکز سنجانغی استیناف محکمه سندن صادر اولان ۳ ربیع الاخره ۳۳۳ و ۵ شباط ۳۳۰ تاریخی و یوز یتیش بر نومرولی اعلامک تمیزاً تدقیقی حقنده محکمه مذکوره مدعی عمومیلکندن معطی استدعایه و لایحه تمیزیه ایله اوراق سائرہ دعوی باش مدعی عمومیلک مأموریت علیه سندن ۳ جمادی الاخره ۳۳۳ و ۶ مارت ۳۳۱ تاریخی و اوچیوز اتوز بش نومرولی تبلیغنامه ایله ۷ نیسان ۳۳۱ تاریخنده محکمه تمیز جزا دائره سنه اعطا قلمش و مذکور استدعایه نک مدت قانونیه سی ظرفنده ویرلدیکی لدی التدقیق اکلاشلش اولغله بالقبول مطالعه اولندی.

اعلام مذکورک خلاصه مالی اوچیوز اتوز سنه سی حزیراننک بکرمی التنجی کونی ادرنه مرکز خسته خانه سی جوارنده چارداقلی دکرمنده خدمتکار اضر و ملی حسنی جرح و قتل ایلدیکی ادعا قلمسندن دولایی جنایتله اتهام اولنان ادرنه نک کابهار خاتون محله سندن بکرمی بش یاشنده بقال عبدالغفور اوغلی عبدینک محکومیتنه دائر مقدما صادر اولان اعلام عندالتمیز اسباب قانونیه مبنی نقض ایله اعاده قلمسی اوزرینه اخیراً اجرا قلنان محاکمه سی نتیجه سنده متهم مرقومک بالمقابله قتل مذکوره جرأتی ثابت اولغله اولوجهله فاعلیته و حرکتنه توافق ایدن جزانک یوز سکسان طقوزنجی و یوز طقسانجی ماده لری احکامنه توفیقاً واسباب مشدده نک موجودیتنه بناءً ایکی سنه مدته حبسنه و مرقومک ۷ تشرین ثانی ۳۳۰ تاریخندن اول جنایتله محکوم اولوب نقض واقع اوزرینه جریان ایدن محاکمه ده فعلی جنبه درجه سنده قلمش واشبو حکم اخیر تاریخ مذکوردن مؤخر بولنش اولسنه مبنی اولباده کی عفو قانونندن استفاده ایده میه جکنه ۱ شباط ۳۳۰ تاریخنده حکم اولدیغندن عبارتدر.

لایحه تمیزیه ده مرقوم حقنده کی حکم منقوض ۳ تشرین ثانی ۳۳۰ تاریخندن مقدم و اولباده کی عفو

قانونی جنبه و جنایت و مصدق و غیر مصدق و منقوض احکام جزائییه نک جمله سنه شامل بولسنه نظراً مرقومک قانون مذکوردن لزوم استفاده سی بدیهی ایکن عدم استفاده سنه قرار ویرلمسی مخالف قانون اولدیغندن بختله اعلام مذکورک نقضی استدعا اولمشدر.

تدقیقات تمیزیه اجرا اولندقده مرقومک ۷ تشرین ثانی ۳۳۰ تاریخندن اول محکوم اولدیغی اکلاشلسنه و محکومیت مذکوره سی حاوی اعلامک تمیزاً نقض اولنسی اوزرینه جریان ایدن محاکمه اخیرده فعلنک جنبه درجه سنده قلمسی واشبو جنبه حکمنک تاریخ مذکوردن صکره لاحق اولسی اولباده کی عفو قانونندن استفاده سی مانع اوله میه جغه نظراً قانون مذکور موجب جنبه مدت محکومه سنک نصفه تنزیلی لزومه مخالف اوله رق عفوذن استفاده ایده میه جکی طرزنده اتخاذ قرار اولنسی ذکر اولنان تبلیغنامه ده دخی بیان اولندیغی اوزره مخالف قانون و لایحه تمیزیه مندرجاتی بو طریقله وارد و بجا بولنش اولغله اصول محاکات جزائییه قانوننک اوچ یوز اون دردنجی ماده سنه توفیقاً اعلام مذکورک نقضه و احکام قانونیه دائره سنده ایفای معامله اولنق اوزره اوراقنک محله اعاده سنه ۸ نیسان ۳۳۱ تاریخنده متفقاً قرار ویرلدی.

مذرجات

ه خزان — ۱۳۳۱

قسم رسمي

صحيفة
نومروسي

- | | | | | | | | | | |
|------|-----|----|-----------|------|-----|----|-----------|-------|---|
| ۶۸۰۷ | ۳۳۱ | ۲۴ | مايس | ۶۸۰۷ | ۳۳۱ | ۲۴ | مايس | (۱) — | نومبريات عدليه |
| ۶۸۰۸ | ۳۳۱ | ۴ | ماوت | ۶۸۰۸ | ۳۳۱ | ۴ | ماوت | (۱) — | محكمة تمييز حقوقه دائره سي مقرراتي |
| ۶۸۰۹ | ۳۳۱ | ۶ | مايس | ۶۸۰۹ | ۳۳۱ | ۶ | مايس | (۲) — | محكمة تمييز حقوقه دائره سي مقرراتي |
| | | | | | | | | | عرصه حقنده |
| ۶۸۱۱ | ۳۳۰ | ۲۲ | كانون اول | ۶۸۱۱ | ۳۳۰ | ۲۲ | كانون اول | (۱) — | محكمة تمييز استعداده سي مقرراتي |
| ۶۸۱۲ | | ۲۵ | | ۶۸۱۲ | | ۲۵ | | (۱) — | لزام محاکمه نك اسباب ثبوتيه سي اولدقه منع |
| | | | | | | | | | محاکمه جائزدر |
| ۶۸۱۴ | | ۲۸ | | ۶۸۱۴ | | ۲۸ | | (۳) — | اورمان دعوالري حقنده |
| ۶۸۱۶ | | | | ۶۸۱۶ | | | | (۴) — | صالح محکمه سي برسنه دن فضله حبس استلزام |
| | | | | | | | | | ايدن اورمان دعوالري رویت ايده من |
| ۶۸۱۷ | | ۲۹ | | ۶۸۱۷ | | ۲۹ | | (۵) — | کذا |

- محکمہ نمینہ جزا داری مقرراتی — (۱) مجنون اولدوغی درمیان اولنان متهمک طبیب
مخصوص طرفندن مشاهدہ التہ التہی
لازمدر ۱۷ مایس ۳۳۱ ۶۸۱۸
- (۲) جرمہ و مجرمیتہ تأثیر ایدہ جک جہتک
تدقیقی لازمدر ۱۹ » » ۶۸۱۹
- (۳) شاهدلر جلب ایدلہ بوب افادہ استنطاقیہ
لرینک قرائتی ایلہ اکتفا جائز دکلدرد ۱۹ » » ۶۸۲۰
- (۴) لسان ترجمانلرینک یکرمی بر یاشندہ بولنملری
لازمدر ۱۹ » » ۶۸۲۱
- (۵) محل سرقت اولان طریقک طریق عام اولوب
اولمادیغنی تدقیق ایلہ توصیف جرم لازمدر ۱۹ » » ۶۸۲۲
- (۶) متهمک ظواہر حالنہ نظرلہ ۱۸ یاشندہ
اولدوغی حقندہ ویریلن مجلس اداره
قراری محکمہ جہ قبول ایدیلہ من ۲۰ » » ۶۸۲۳
- (۷) مجرمیت قرارینک اتخاذندہ خبر انفصالی
اولجہ تبلیغ ایدیلش اولسی احتمالی بولنان
اعضانک بولونمسی حائز اولمایہ جغندن بو
جہتک تدقیق لازمدر ۲۰ » » ۶۸۲۴
- (۸) مدعی نک ، متهم حقندہ کی تعیین وتشخیصی
ینہ کندیسنک تعیین وتشخیصی ایلہ تعلل
ایتمش ایکن امارہ دیگر کوسترلیکسزین
قرار اتخاذ اولنہ ماز ۲۰ » » ۶۸۲۵